

芙蓉山館全集

芙蓉山館詩補鈔

金匱楊芳燦蓉裳著

春曉卽事

小閣香溫睡起遲
嫩晴天氣晚春時
丹黃小註旁行字
甲乙新編雜體詩
無事聊爲犀首飲
有情真似虎頭癡
生憎風雨宵來急
減卻繁紅幾萬枝

秋日遣懷用唐陸魯望韻

已是悲秋客
那堪別緒兼
一官成濩落
六載此留淹
莫問羅氛卜
難憑季主占
麝香縈白氎
按拍譜紅鹽
好靜真成癖
無求轉近廉
形羸同衛玠
腰折愧陶潛
玉軫琴絲澀
冰荷燭淚沾
微吟

頻倚柱悵望獨巡簷閒弄桓家笛慵拋鄴架籤劍餘干斗氣鉗
退處囊尖頗怪情懷惡還憎面目黔會當尋鹿褐不是薄貂襜
墨藩雲流硯茶煙霧鬲簾山空聞怨鶴天迴盼明嶠松徑荒應
翦茅齋陋可苦連宵鄉夢好恰喜漏厭厭

新店道中遇雨

路逼蒼崖窄天低白晝昏雨聲連弩下雲勢沓潮翻馬滑蹄頻
踈衣沾絮不溫前途正迢遞悽斷旅人魂

廢寺

廢寺無僧住經過客獨爭嶺巖緣殿角野雀噪庭陰雲共山容
淡樹隨秋意深羈懷感蕭瑟倚柱自微吟

雪後曉發

立馬遙原望，千林曙色迷。
融巒雲去住，樓閣雪高低。
酒向前村買，詩尋古寺題。
塵勞誰念我，歲暮尙棲棲。

春日偶拈舊句成詠

少年記得縱清狂，竟日高吟凭隱囊。
一逕桐陰朝露滑，半池萍影午雲涼。
客來有酒時尤好，春到無花處亦香。
中二聯皆舊句此日邊城拈舊句，爭教羈客不思鄉。

晚望

獨倚西樓望斜陽，上客衣黃花。
經雨綻紅稻，帶霜肥江蓠。
離情遠巴山，信使稀塞雲。
千萬疊杳杳，雁高飛。

寄吳洵可

春色到邊微風和畫愔愔千枝姚冶花百轉閒關禽虛庭少靜
辭隲几耽清吟把君一卷詩泠然滌煩襟元冰瑩玉壺朱絃絕
瑤琴長懷開美度千里勞寸心煙瀟阻遐眺雲巒對孤斟勝抱
託豪素臨風貽賞音

秋雨初霽郊園遣興

雨過微涼白袷輕林陰繞屋有餘清偷閒且度書千帙破悶宜
貰酒一程帖水晚霞紅綺散侵偕秋草碧苔生眼前風景佳如
許合著樊川賦晚晴

附郭名園路不紆雨三素侶共相於雨微已覺蒼苔滑寒早先

愁碧樹疏偶撥枯叢看蠹化戲拈脫葉認蟲書
瓜哇棗圓明如繡好是平臺縱目初

策策芒屨踏淺沙柴門地僻靜無譁隔溪漁子炊菰米傍舍圃
丁藟韭花選勝故應歸我輩尋幽更欲到誰家夕暉暝色盈襟
袖笑指林梢接翅雅

一抹遙山澹欲無半灣淥水浸葭蘆東陽好續郊居賦北苑難
摹秋興圖江國書沈驚塞雁天涯晚歲感塘蒲金蠶玉膽空相
憶昨夜西風夢五湖

村行見杏花始開

野店山橋見幾枝綠嬌紅小怨春遲連宵雨潤酥融頰破曉霞

明暈上眉晚嫁收教留薄媚高情應解賞新詩鬢絲禪榻年來
事又爲風懷惱牧之

十月十四夜月終夜如晝

纖雲凍不飛一鏡緣空升虛庭聚夜氣天光湛清澄離離星影
動皎皎霜華凝開帷步廣除攬衣欲生稜地鏡響松風苦伏閉
吟朋冰花滿破硯寒暈搖明鐙統如街鼓急檣端低玉繩

卽事有懷

風彫颺簾旌雲陰覆簷角冥冥朝雨來春井芹芽綠侵欸意
謝悵望流光速良訊滯天涯閒愁亂心曲

新秋藝香圃卽事

雲影薄吹綸風意涼侵絃閒澹竹閒花疎明松上雨清韻裊琴
絲碧痕泛茶乳緩步遶空階晚晴聞鵲語

小圃對秋容照眼愛明瑟山翠隱長煙池光漾斜日叢編笠澤
書靜掩維摩室坐久落瓶花幽香隔簾出

五泉卽事

追暑憩瓢堂境靜人意古銅餅汲寒泉石鼎響春雨疎籬護菊
畦曲徑繞花塢暝色起前峯歸樵隔烟語

九月十六夜對月用杜集江樓夜宴韻

塞月初更上依然一鏡明虛庭流夜色驕客感秋情衰響樹當
戶寒聲杵滿城繞籬憐細菊瘦影漸敲傾

樹山輪乍仄過竹影微遮驚鵲翻煙翠陰蟲泣露華烹泉移石
鼎鬪酒試銀槎堅坐消殘夜明波漾碧紗

清輝千里共歸夢落楓江疎磬出蕭寺涼燈明小窗離心隨雁
去遠信盼魚雙相對敲枯硯吟懷未肯降

幽邃

補詩品

神之所游孤雲與飛佳侶天末賞心久違懸蘿翳逕幽人夜歸
修篁雨色山鬼碧衣暗泉落澗空巖掩扉如聞瑤瑟卽之已希
冬曉偶成

夢回林鳥喧暉暉窗日曬南榮酣僊曉肌骨自輕快風松落清
嘯雪竹展雅拜遙山出牆角寒綠淡如畫頗欣塵事少未覺闌

年屆起諷淨名經聞思入禪界

立夏前一日雨和嵇笠軒職方韻

曉聞陰鳥鳴相和漫空翠雨縑絲多
藥欄豔豔坼稷蕊萍沼鱗鱗生細波
四野農歌聚圓笠五湖歸夢尋輕簑
玉壺茅屋縱清賞一任流光如擲梭

吳穀人先生齋中銷夏第三會分題趙士雷夏塘戲鴨圖
王孫天機精妙得寫生法塘水碧於羅
雙戲花鴨羣浮煙荇亂爭浴風荷壓
索闌毛襴襴呼名口呀呷明漪散千漪
晚雨飛一霎傍鷺莫輕打比鷗信堪狎
高齋讀畫坐涼意滿巾簑至樂同觀
濠清景疑泛雪卻思銷夏灣艤棹菰
蘆夾聽唱青頭雞漁

榔轡相答

冬夜讀書示華愔圖

朔風排戶硯水冰吳綿欲折衣生稜神消骨冷耿無睡坐擁
帙然明鐙鐙光熒熒透簾隙一縷殘香裊孤白畏寒時復穴牖
看霜氣如烟月華直

送陳竹士歸吳門

吟徧春原草長安住亦難相逢旋惜別強聚不成歡久客憐鄉
遠深盟託歲寒芙蓉湖水碧何日覓漁竿

百幅真珠字歸遺織錦妻才名斑管重標格玉臺齊初月眉山
近春風鬢影低雙棲謀小築先開蘊花畦

襖被秋堂宿知予薄宦貧檢書搜廢篋炊飯爇勞薪黃葉催衰

鬢青燈語故人

謂蘭雪英初諸君

眼中如此客抗手又風塵

高談時岸幘俠骨尙昂藏誰貯劒三尺祇攜書一囊歸裝星斗氣別夢水雲鄉蕭瑟清秋節川途慎早涼

人日偕陳雲伯袁蘭邨登江亭用昌黎城南登高韻

朝光滿綺牕綵勝和風弄櫓牙雪融汁池面冰銷凍佳辰信堪賞壺榼及時用江亭舊游地折簡約賓從遠春入清眺笑語一尊共其惜少梅花冷蕊疏香送輕煙媚寒柳微流潤枯葑野禽舌猶溼游鯈鱗未縱意行遠塵壒幽尋謝空憇山意漸親人修眉碧痕重

元夕雪用人日韻柬雲伯蘭邨

癡雲妒佳月作意苦調弄撲面玉塵飛排簷銀竹凍祛寒酒不
神破悶詩無用百隊白霓裳素娥盛儀從長空瑤鏡闕大地冰
壺共彩市鐙早收綺席柑誰送羈心茹荼蘼歸夢戀淑藹朋儔
悵聯闌意氣減豪縱九衢靜如水閉戶息倥傯撥火試香螺一
棧溼煙重

春晚偶成示長女芸

兩版叢書謝俗譁拚關忘卻住京華年光漸覺驚催鳩春事從
教柳替花錦字封緘魚匱寶箏移柱雁鼓斜繞廊靜聽雙餅
響一縷晴煙上畫紗

少年行

玉勒雕鞍金絡頭，平明走馬出長楸。
歸來醉臥羅襦月，尋得鸞篋贈莫愁。

陶怡雲郎中寓居接近過從甚歡賦贈二首

青楊籠曉烟，門巷好春色。
佳士連牆居，招攜心恆適。
蕭齋隔塵相，對岸巾幘閒。
登向榻，或弄桓伊笛。
竹檻置茶臼，石床拂
苜蓿。素心兩三人，談諧忘主客。
坐來耽靜境，不覺日西匿。
林梢疏雨明，鳥外涼霞碧。

我憶住隨園，倉山翠連蜺。
自落塵網中，忽忽三十年。
風月已非故，詩翁久飛仙。
與君話舊游，回首心茫然。
春風吹微波，秦淮綠。

如煙草長鶯亂飛雜樹花爭妍長橋十八街惆恍魂夢牽阿迎
牽母居買宅青溪邊乞養我當歸相依僦一椽他時君宦成晨
夕共流連尋山蠟雙屐泛月扣兩舷

三月十日陶琴垞招同人游法源崇效二寺晚集陶然亭

卽席和小峴先生韻

莊嚴衆香國本在耆尼界素侶相招攜瓢堂共清話我非枯淡
人聞香防破戒瀟灑竹林游此興豈易敗花時悵已過紅香擔
頭賣惟餘萬柳陰濃綠不可畫更約鼠姑開典衣償酒債伏伏
日飲午倚檻聽鐘唄一生幾兩屐尋幽敢辭憊

駕言向江亭一徑入深樾暫遺塵市喧客興自超忽西山出高

秀照眼翠碑兀蘆汀水清淺鳬浴不能沒似有飛雨來雲陰過
城闕傑閣敞八牕廣除開十笏勸客陳壺觴酒行方未歇回首
憶前游當筵感華髮歡場不易逢深杯甘百罰歸路莫龍鍾疎
林上弦月

題陳晴巖詩稿後

奇氣蟠古胸落筆欲起嶽拔地森孤青秀逼天一握詩場獨才
力如君最雄獨瑤策入我手危坐徹宵讀詩彩照眼明窗問月
如燭幽幽鄉思苦夢繞故山綠飢蠹落藤床流塵積細軸春懷
感商絃清響裂哀玉咫尺不相見塵事各羈束願言攜燒琴請
君彈逸曲

三才集卷之五
牆根橘樹一株風霜摧剝枝葉凋悴悵然感之效杜陵體
丹橘生江南嘉實飢盤重徒負冰霜姿苦乏皋壤壅病葉禿似
刷癭根拳未縱枝欹衝風吹膏漏寒雨凍蛛絲縛敗枿蠹穴墻
深縫青黃雖雜糅文采非世用耿耿歲寒心未得玉堂貴不容
奕叟住空說騷人頌安得蓬萊仙攜爾瑤臺種采采盈玉筐紅
星飼饑鳳

爲徐德泉題探梅橫卷

尋香索笑花底行詩人品似梅花清疏枝冷蕊滿巖岫梅花格
比詩人瘦海南仙雲嬌影迴白月下照瓊瑤臺春風到樹凍雀
喜花意似待詩人來不愁寒霰侵衣溼孤吟愛傍生香立閒雲

野鶴兩無猜一卷清文足冰雪相思昨夜疑見君虬枝晴雪吹
紛紛夢回涼月入綃帳滿身猶裹羅浮雲十載衣塵滯京國拋
卻家山好泉石商聲清怨苦思歸空倚高樓橫玉笛江南江北
通素心我懷伊人花下吟碧雲暮合天沈沈枝頭飛下雙青禽

雨雪曲

東風吹艷雪飄入江南雨光疑妒月來笑欲含春語碧瑤冷鳬
花玉鑪銷麝炷小院聽簫聲蘭期悵離阻

松龍題示晚香上人

萬松圍一龕四山純黛色天風動鱗甲擎攬太陰黑潯聲撼頭
空蒼雲紛側塞中有示寂人兀兀以踵息手拂鞞鐸佉真想在

冥默喧寂兩相忘始得禪定力爲語支離叟爾是善知識天樂
空中聞千百耳功德

富春江夜泊

纖纖月出春江曲溘溘明波瀉寒玉夜山堆碧不留雲蒲葉裁
帆入煙宿繫纜津亭客思孤且攜短燭照殘書卧吹火隔江
語網得隨潮紅鯉魚

桐廬

陰霞媚春曉沙嶼揚煙舸始知清曠境可以瑩心靈鳥語韻幽
管魚沫漂寒星空濛飛雨來演漾流雲停碧侵薜荔衣翠溼莓
苔屏桐君恍招手揖我鼇背庭塵慮苦未忘安得凌青冥

曉發嚴州

曉霧盪空水，雙厓碧岑岑。
鉤輅叢篠閒，幽鳥皆越吟。
明漪清見底，倒影孤雲深。
眺聽抒古懷，盥濯除煩襟。
沙社迹久荒，釣臺尙嶽峩。
高風渺空翠，可愛不可尋。

蘭溪

溪流明似鏡，空影盪晴暉。
一鷺忍饑立，千帆趁飽飛。
浮嵐播巖竇，溼翠浸林扉。
最羨持竿者，長年守釣磯。

龍游

疎簃引遙翠，碧色侵人衣。
春陰雜花明，漁舍朝烟稀。
密翳鳥聲樂，淺瀨鷗情饒。
盤渦旋瑤井，懸流濺瓊霏。
蓬牕懶無慮，仰看閒

雲飛高下聽溪春笑渠未忘機

自龍游趨衢州作

拔地千芙蓉奇秀森動目急峽東盤渦雲根削寒綠溯流行自
遲延絲鞦閒宿陰雷中夜鬪凌雨下奔瀑春枕聞驚湍江風冷
吹燭侵晨推篷望稍喜見晴旭浪急鼉橫飛峰危鶴俛啄篙師
突地吼水怒不可觸進寸退輒尺中流困漩洑爾曹疲險艱吾
徒忍欣鵬旅宿苦淹留仰首羨飛鵠

湖上晚步

雨過遙山堆暝翠明波萬頃琉璃碎角巾微墊紵衣輕涼露滿
襟煙拍袂小步不驚沙鷺拳立久回看月在肩草螢無數忽飛

出知有榜人來繫船

梅天坐雨偶作小詩撥悶

惜惜新綠壓簾櫳
石葉香銷翠幙空
消受熟梅連夜雨
退紅衫子小薰籠

森森雨脚似排籤
銀竹千條落畫檐
真向碧琳宮裏坐
水光寒透夜明簾

垣衣頑綠接庭莎
階下新添幾尺波
數點流螢自來往
分明一道小銀河

未秋先已卻輕紈
自掩屏山怯晚寒
知是明朝依舊雨
月痕偷照曲闌干

葛林園

開士安瓶拂蕭然丈室虛湖明山豁處烟澹雨收初花隔游仙
蝶香池度劫魚一椽如可借九夏待移居

湖上看芙蓉

萬枝搖曳照銀塘片段明霞五色光天太多情生粉黛花原薄
命到冰霜秋心似欲傳湘瑟春夢何曾妒海棠惆悵鴛央七十
二彩衣零落不成行

春曉口占

隔窗幽鳥語綿蠻曉夢初回靜掩關記得桐廬江上路畫眉啼
雨過春山

偶成

朝來閉閣讀南華一線春痕日弄紗
小院風微雙鵲語鑪熏扶
燠上檐花

秦淮水閣有感昔游

海棠花謝怨東風凭處闌干損舊紅
一曲春波明似鏡夕陽飛
過白頭翁

何蘭庭刺史齋中觀趙忠毅公鐵如意敬賦長句

銘曰鈎而無幾

廉而不剛以就以舞惟不若是折斯君子之器也凡二十三字背有七星五嶽圖

誅佞不爲槐里劍避賊不作司農笏
一片丹心照冷光萬古嶽
嵒留壯骨有明末造曠乾綱
茄花委鬼紛披猖甘陵俊及沸鉤

芙蓉山館詩鈔補鈔

三

黨趙公大節真堂堂讜言不用竟遠戍猶勝牢戶填膺滂當年
鑄此不無意要扶魍魎捐獠狂精鏐百鍊色沈黝作作奇芒藟
戶牖光氣能寒櫛机膽形模尙識終葵首朝局爭排南北部天
文欲墮雌雄斗金箱五岳圖真形招搖太乙森光精無錢不割
君子器二十三字鑄遺銘撐扶宙合作正氣空齋恍忽生風霆
我聞公有東方未明硯草疏淋漓擊大奄長庚配月光睽睽雄
雞三號更五點金虎宮隣勢已成萬死投荒同硯貶此時如意
儼俱在挂壁還應吐光怪激觸孤忠感憤心一揮鐵石愁俱碎
正月初十日夜坐偶成

維摩一榻參枯禪示疾且辭歌舞筵微吟倚柱數歸翼黃月正

抱幽人肩檐牙一桁古簾暗林頂數點春星圓六街鎧火亂如
沸隔牆簫鼓聲喧闐呼童闔戶理殘帙隱几坐覺心安便牕前
雙鵲忽墮地瘦竹帶風搖暝煙

元夕招程彝齋周鑑壺劉雲講院小集

簾卷春星客鬢涼得閒買醉卽歡場明鐙簫鼓達元夕蠶舂煙
波憶故鄉夜永圓蟾低過竹風高孤鵲響驚霜天涯儔侶殊堪
戀堅坐更闌輒語長

管夫人墨竹歌

南渡王孫傳彩筆聞閭丹青亦奇絕寫出檀欒竹一叢猶是故
家天水碧吳興小築鷗波亭亭邊千頃漣漪明林於防露長纈

屋眼中畫本俱天成疏枝交戛玲瓏玉無意寫生意足翠雨
迷離入鏡湖添上睂山一痕綠仲姬自是天人發妙擅詞翰工
臨池幹用八分枝用草想見晴窗落筆時孤根傍石抽森瘦露
壓烟啼媚春畫好近清光寫楚辭天風涼到湘娥裏飽餐秀色
忘調飢澹墨著紙仙雲飛趙家小印分明認不許人鈐倒好嬌

綠陰四首

烟條露葉最多情十二闌干舊碧城人比萼華成一隊春尊杜
牧怨三生青歸小閣眠琴穩涼透生衣坐石平別院雨簾閒不
卷只愁遮斷玉簫聲

幾樹濃陰覆短牆惜惜碧色上斜廊雨餘池館春如畫風外簾

龍影亦香小放嫩晴宜散帙密圍清夢嬾移床一羣翠羽鶯飛
去滿地流雲似水涼

更無人處影毵毵夏始春餘綠意酣垂柳林塘迷越燕柔桑門
巷長吳蠶一絲麝炷香痕澹半瑣鬼花茗汁甘深院日斜鋪楚
簾殷勤留客話江南

萬綠如山入畫圖惹人惆悵是西湖涼烟破曉僧廬靜新水浮
天釣艇孤招隱會當尋薜荔傷離誰解種蘼蕪別來壞壁蠹衣
滿尙有題襟好句無

哭洪稚存大兄五十韻

一慟追疇昔椒漿酌寢門文章今不朽風義古猶存直道埋黃

芙蓉山館詩鈔

補鈔

西

土精誠戀

紫關天涯傷永訣往事忍重論束髮餘交舊知心

幾弟孀連枝齊橘柚同臭合荃蓀志節推懷祖孤窮識惡孫三
餘耽絕學九變貫羣言密契觀濠惠雄談炙轂髡鋒稜淬千莫
光價重璵璠投分先交呂傾襟早事爰一官落邊障十載隔婁
喧愧我卑棲拙欣君上第掄異書窺秘府宏筆壓詞垣秉節羅
施國觀風太史軒搜材儲杞梓相馬得驪驥俗洗蠻荒陋文疏
學海源說經摧鹿角釋奠拜龍躡勁節羞嬰婣孤生絕鬻援

聖朝無忌諱

天語最和溫

恩重身甯惜言高舌肯捫陳詞

知過激削贖或傷煩伏鎖原臣分投荒荷主恩甘同鴉鳥放

敢訴萊施冤慷慨蘭山別蒼涼柳谷昏臨岐牽短袂揮淚倒深

樽大漠驚蓬振長河濁浪奔鑿行過鐵勒窺迹到犁軒臨照迴
穹昊仁慈仗至尊賜環寬荷戟鑿筆喜還轅卓帽辭還微
青鞵返故園蒿廬戀松柏疏圃藝葵萱邱首師孤豹山心慰鶴
猿養閒娛翰墨投老愛康健昨歲過從密明湖笑語喧豪情殊
矍鑠俊氣尙騰騫枉渚波千頃高峯黛一痕飲傾銀鑿落談碎
玉崑崙後約期重踐成言矢勿謾附書憑白雁卜宅買烏犍巢
儒占符識晉蠶兆遇屯租年悲管輅傲骨挫虞翻江遠遲來夢
天高有斷魂蛟龍波浪闊死別竟聲吞

中秋懷京華故人

欄檻天涯節候催夕陽西下客登臺行雲驪駐秦青曲

隣有度曲者

圓月光搖李白杯坐久風篁淒有韻更闌香篆散成灰勞人自歎周南滯飛盡西園憶上才

中秋夜半復成一律

露下梧桐夜氣清興闌坐覺袷衣輕星河乍轉更三點簫鼓初停月一城壞砌啼螀聲斷縵高枝栖鵲影分明南雲極目增鄉思果否今宵萬里晴

盧舟方伯新成蘭室以待香車同人先有佳章命余繼組筆花久謝意蕊無妍敢云繡段之貽聊博玉臺之笑

安排蘭館佇星娥眉譜新研九子螺簪幌月華窺罨颯卷簾風影拂多羅明妝粉鏡芙蓉映芳靚香臺翡翠過最羨錦心蘇蘇

子肯教佳麗侍連波

文窗十二曲欄斜
苔格玲瓏上畫紗
燕寢香溫遲夜玉鸞臺
人韻比秋花
彩毫句奪丹霞
豔碧玉匳藏錦字
賒珍重青禽遞消息
秦關穩度六萌車

細軸牙籤夾座陳
琉璃硯匣淨無塵
書留鳳諾貽彤管
裏拂龍綃待玉人
百琲珍珠酬慧業
十番繡紙記前身
因妝成莫誦靈光賦
羅襪凌波寫雅神

曾畧名香寄翠牋
西泠新水綠如烟
吟成芳草同心句
春在桃花得氣先
微省伴拈封事筆
蓬山合喚掌書仙
陶情何必絲兼竹
鉏影釵光好證禪

落葉

看朱成碧無多日轉緣回黃又一時春老最憐花委砌秋殘更
悵葉辭枝霜飛古道行人去寒到空巢夜鵲知憔悴不堪頻攬
鏡蕭蕭雙鬢易成絲

初冬講院夜坐

把卷坐遙夜就如街鼓興冬心清少夢客意澹于僧霜重鋪銀
礫星寒耿玉繩紙窗明似雪幾處照書燈

臘月十八日偕陳生

奇

王生

憲章

謁少陵祠

超遙出城闔攜朋愜所適南山杜子祠飛甍倚巖壁一逕翳藤
蘿十圍老松櫟登堂拜公像疏髯面微皙風骨聳高寒憂時容

慘戚杜曲公故居詩篇記游歷投書延恩匱耿耿氣橫霄
皇遭寇難攜家避鋒鏑艱難越隴蜀窮途愁澆漸魂魄瞻舊游
駭定來觀蓬門隣古寺梵界契禪寂風磬多遠聲雪檐有晴滴
野鼠穴犂牆荒榛埋斷壁詩人例窮蹇才高非命敵寂寞身後
名千秋發悲激

芙蓉山館詩補鈔

原
本
受業王九齡校訂

芙蓉山館詞鈔卷一

金匱楊芳燦蓉裳著

虞美人

獸環不敢文
鱗鎖寂寞熏香坐
陰陰斜照上簾衣
一片落花無語
背人飛羅衣巧
襯雙金鳳猶怯寒威
重衾愁如夢
不分明
央及杏梁燕子喚他醒

浣溪沙

宿雨初晴度洩雲
流鶯猶自惜餘春
棟華落盡閉閒門
小市酒旗風
帖帖橫塘漁網水
鱗鱗垂楊影裏浣衣人

蝶戀花

獨倚畫屏山六曲喚起雛鬟鎖上文鱗鑰貼地球簾烟翠薄隔
牆風弄秋千索斜抱銀箏嫌寂寞蚪箭三更好夢偏擔閣一
架薔薇華自落濛濛涼月聞姑惡

清平樂

泛舟

鏡匳眉嫵湖水清如許蘭葉輕風槐葉雨好箇秋光無主興
闌欲泛歸橈隔溪漁子相招一帶藕華深處夕陽人影紅橋

燭影搖紅

孤棹迢迢溼雲如夢吳天暝一彎微月到蘆花晴雪寒無影離
思怱怱未定更那堪漏長人靜倚舷凝眺山澹無姿水明生暈
悵悵冬郎已涼天氣江南恨冷蛩哀雁攬余思淚點青衫凝

拌向旗亭酩酊奈愁思易催人醒爲秋銷瘦詩號秋懷賦題秋興

浪淘沙 聽雨

落葉帶愁飄敲響牖竇相思人度可憐宵幾片涼雲流不住夜雨蕭蕭鵲尾嫩香銷燈也慵挑羅衾如水夢無慘自是儂家聽不得錯怪芭蕉

浣溪紗

殘月窺人畫閣空碧紗網戶小簾櫳相思臥在峭寒中
會角淚淹愁有迹枕函香冷夢無蹤一聲寒雁五更風

如夢令

何事芳魂栩栩飛入翠紅深處香夢忽驚回煥日半庭花雨無
語無語又被蘋風吹去

鵲橋仙

初冬

遙山欲暝濃陰猶滯雁唳一天雲溼初冬時候恁溫和好換卻
單衫白帽 茶甌浮綠墨池泛紫寫得香牋一摺輕雷細雨似
殘春只多了半庭黃葉

踏莎行

別情

乍引離觴已添別緒美人和淚星星語今宵身在木蘭舟夢魂
仍向樓頭住 明月蘆花清霜楓樹出門便是天涯路一聲新
雁送殘秋個儂也到秋邊去

少年游

懷儲玉琴

美人何處碧雲流
魚信久沈浮
一行冷雁幾枝衰柳
併作十分秋
西風若解懷人意
吹夢到揚州
心曲愁濃眼中天
遠獨倚夕陽樓

清平樂

秣陵秋旅

半林黃葉幾點寒雅黑
一展酒旗風獵獵
人醉六朝烟月
故宮玉樹誰攀
土花血影斑斑
欸乃聲中歸去
愁雲鎖徧鍾山

臨江仙

草滿瑤階塵滿鏡
鵲鱸殘麝香焦
相思瘦損楚宮腰
花廊月廡從此罷吹簫
倚徧危闌十二曲
平蕪去路迢迢
夕陽流水小

紅橋別時折柳今又長新條

滿庭芳

柳戶雲敲蘭牖篆爇晝長瑤瑟慵彈紅絲小研纖手試藥九縹緲琳華仙曲繡新譜寫上冰紈香肩並歌唇銜雨羅裏唾花寒無端千里別空江孤棹煙水迷漫漸雙飛入破聽到離鸞後夜相思難寄吳天遠落月如盤人何處夢魂長繞十二碧闌干

菩薩蠻

琉璃牋譜香匳句惜春怕到春濃處門外雨蕭蕭梨花落盡橋淚珠霑粉臉蛤帳和愁掩鸚鵡懽多情金籠學前經

前調

東風輕薄窺羅幕。離憂曉散蒼琅錦。錦雨隔窗紗。夢回聽賣花。
相思銷玉貌。慵揭菱花照。香霧繞垂鬟。濃熏金博山。

前調

無情燕嘴銜花去。多情蛛網黏花住。去住總銷魂。紅巾凝淚痕。
水晶簾押靜。寒浸春人影。新恨壓眉頭。嬌波橫不流。

酷相思

一翦香風吹柳絮。惱亂寸心如許。儘望斷天涯芳草路。春去也。
花無主。花落也。春無主。回首池臺行樂處。斜照飛紅雨。只可
惜流光空擲度。人愁也。驚無語。驚愁也。人無語。

念奴嬌

多情風雨伴春來，忽又送春歸矣。彈指聲中，春九十，麗日輕雲，有幾笑也。含愁醒還似夢，幄上高樓倚牀頭。醺醺判他真個沈醉。萋萋芳草池亭，蟬前缺後，到處愁人意。擬趁良朋，櫻筍約錦字，奚奴先寄。小盞研香，圓鑪焙茗，寂寂簾垂地。無慘頻問杏梁雙燕歸未。

臺城路

明霞逗出涼蟾影，空堦徧流銀汞。詞譜三中，笛吹四上，彷彿瑤天簫鳳。輕颺又動，怕絢扇驚秋，舊愁催送。一鏡芳池，藕花香入鷺絲夢。溼螢時駐，槐影繞回廊，寂寂更與誰共。古硯麝丸磁甌，雀茗儘算騷人清俸。幾回吟諷，奈只是無眠，夜深煙重。清簾

胡牀醉歌懷二仲

摸魚兒

韓景圖有句云歸來坐深林悟到秋生處心甚覺之作此以寄

據胡牀深林獨坐微茫天色催暮碧雲幾葉流無影空地感秋
成悟秋有語道還叩騷人識我家何處君應不誤想籬豆花邊
涼蟬聲裏依約認前路淒涼意不數庾詩江賦天然空外琴
趣偃偃我亦悲秋者忍招檀槽遺譜拌睡去枕半榻明蟾夢與
秋同住玲瓏窗戶正露沁蓮池夜深人靜花氣冷如雨

喜遷鶯

立秋日東顧立方

琉璃牕牖正紅衫初試嫩涼盈袖一抹銀雲三分璧月酒醒黃
昏時候儘開簾滅燭攪不盡清暉盈手闌干曲只拈將抹麗暗

芙蓉山館詞鈔

卷一

五

香偷艷 回首空感舊沈李浮瓜往事卿思否
菡萏池塘蠅蛸庭院贏得而今僂僂相思無可寄
聊數遍暝鐘清漏悵恨也稜稜玉骨其秋爭瘦

賀新涼

蕉館蛩聲起足清歡未寒時節已涼天氣著意悲秋秋不管何
苦爲秋憔悴且領略露華煙翠小炷沈煙翻梵夾正桐陰滿院
簾垂地雕梁靜燕歸矣 高樓四面山光裏又何須揮杯開宴
燭奴鐙婢銷遣閒情無長策作達放顛而已儘拈遍豔詞香偈
眉月半牕花影轉拂藤牀藉月和花睡蝶夢覺驟然喜

思佳客

七寶燈前御翠翹更更更漏可憐宵三分華月芙蓉館一水明
星鳥鵲橋栽恨葉種愁苗綠窗擁髻倩魂銷他生願化無情
樹不宿青鸞宿伯勞

一翫梅

秋到黃昏最寂寥鳳脰頻挑鵲腦頻燒玉人孤坐按秦箏曲點
紅么淚裏紅綃夜色陰陰上綺寮空院蟪蛄寒雨芭蕉魚書
無便託江湖千里人遙一段魂銷

雙調望江南

秋如夢一院雨廉纖亞字闌干之字路桐花庭甃斑花簾側側
晚寒添相思意竟日未曾吹筆染青螺翻黛譜墨研烏鰂寫

芙蓉山館詞鈔

卷一

六

霜兼因使寄江淹

前調

腰圍減芳思漸銷磨白紵衫裁卻月紅塵怨曲唱迴波閒處
歛雙蛾 人迹少瓊砌草成繁鬢影恰同花影瘦淚絲持比雨
絲多悵悵奈秋何

昭君怨

一派雁聲如語一院寒聲如雨愁夢不成圓夜如年 香閣闌
哥睡未繡榻狸奴來未閒事最相關喚離懷

喜遷鶯

泊舟楓橋聞歌有聲

微雲如霧送晚來幾點秋涼雨林影斂紅潭痕澹翠做弄秋

光如許悵行蹤無定繫一葉扁舟沙渚誰相伴有蘆花深處一
行眠驚 凝伫天已暮露柳霜蓮秋滿楓橋路絃響棖根蠟光
隱隱隔院謝娘眉嫵歌聲畱不住又化作水烟飛去淒涼意算
者般情味綵毫難賦

滿江紅

寒夜感懷和謬齋舅氏韻

一夢黃塵人世事隨他翻覆君不見香桃自笑風桐自哭儘有
熱腸堪任俠情無媚骨能諧俗看客顏強半爲愁銷秋眉綠
元蝶化細千軸白鳳吐才千斛算墨池滋味此生嘗足詩好只
應供鬼唱文成誓不教人讀錦囊空只賸一編書東華錄

前調

少日詞場揮彩筆雲蒸龍變曾記得夢中拜賜玉珉金硯書上
欲摩烏集闕賦成不數蠶光殿十年來意氣漸消磨聲名賤
千丈髮隨年換一掬淚和愁噉恨流光如此最難消遣蘸墨細
臨臨嘴帖挑鐙快讀虬髯傳向人前擊碎古桐琴花成片

前調

霜幕風簾青楊樹幾番搖落翹首望青天碎碎珠星作作一院
明蟾清影瘦五更白雁寒聲惡耐淒涼白倒酒樽看餘醅酹
劍欲活青萍躍鎗欲死紅蕤落問人生那得窮年寂寞市上好
從驢卒飲朝來更逐毛公博好男兒俊健似生猱甯甘縛

前調

墨寶騷茵人爭笑腐儒塗抹渾不信窮愁果我文章無色枉費
千杯元麝髓難求半點青蛛血只贏來磊塊不能平填胸臆
蘭膏燼心還熱蠶絲絕腸應直歎年來只與蝨魚分食至寬綽
細成底用少來楮棘何勞刻不如他估客競錐刀驅南北

菩薩蠻

葡桃黠錦絲雙扣龍梭墮地沈吟久夢雨溼輕客巫山十二重
玉屏花鎖鎖獨聽啼蛄坐無奈洛神何騎魚慣撒波

前調

櫻桃花暝樓黃蝶珠簾掩映春雲葉門掩寶釵樓朝來嬾上頭
石榴裙樣巧線壓雙鴛鳥茜帶一條條相思瘦舞腰

前調

玲瓏窗掩桃花紙
蟻甲弄三絃子
繡被狄香薰
蟬鬢鈿雲
月篩花影碎
人傍花窩睡
惱是夜烏啼
花飛月又西

前調

冰紋小簾銀絲細
絲鬟著枕蘭膏膩
懶唱懊惱詞
病闌春去時
燭花雙苞小
龜甲屏風遶
花外雨瀟瀟
春魂何處招

蘇幕遮

燕

柳風輕梨雪溶翠
味紅翎不羨颺
鳳薄暝歸來
香雨凍絮語
相偎似訴春寒重
掠珠屏穿繡棟
那管人愁又
踏簾鉤
唳滿地
落花紅不動
銜入新巢
輒襯雙棲夢

摸魚兒

寄王涼雲

閉重門悄無人到荒堦苔已成篆蠻牋摺疊成方勝倩寄舊時
吟伴腸已斷問春色和愁畢竟誰深淺危欄凭遍愛空翠濛濛
斜暉澹澹一縷斷虹茜芳洲路細草高低似翦柔波來去如
澌冶游情事渾如夢花雨半樓人倦春婉婉拌讓與尋香小蝶
棲香燕如何消遣聽曲畧廊西丁冬鈴語也似訴清怨

前調

據蒲團楞嚴讀罷旃檀縷縷烟細闌黎公案誰能悟略遣煩愁
而已拈短偈蚤度取一番小劫春聲裏烏皮槲几笑斑斕斜
粉幾狼籍詩句沒頭尾文窗下一種悲涼滋味滿襟無限清

淚落花穠傍苔衣卧無奈輕風驚起憔悴矣怪如此穠春卻有
悲秋意筠簾垂地又清影窺人夜闌人寂松頂月如水

浣溪沙

窄地珠簾小院空
薔薇香露沁嬌紅
月痕如夢隔疎櫳
釵影垂垂敲玉鳳
燭煤的的墜金蟲
自摹花樣拂輕容

前調

一縷斑駁甚處尋
畫橋依舊柳陰陰
別來憔悴到於今
未許梨花通半夢
怎教梔子結同心
輕風吹淚溼蘭襟

念奴嬌

答顧學和

欲寄歷落笑譚間
棄筆投觚而起
少日詞場吞彩鳳
人識盧家

千里辛味都嘗丁年易過氣短謀生計有誰知得溫生是大才
士須信狂受人惜才非汝福寒餓應如此宿瘤無鹽都已嫁
只有夷光未字世盡言愁僕原多恨卿復何爲爾茫茫交集伯
興當爲情死

石州慢

過都愚谷十二樓廢址

桐帽樓鞵無端尋到最銷魂處交鎖凝紫碎屏腐碧誰家庭宇
斜陽一片照見十二樓空釵光扇影銷何許雙燕不知愁只銜
花私語 淒楚靖安坊冷金谷圍空繁華無主付與攤錢收豎
撈鰕邨女微波如澥可惜金粉塘邊芙蓉蓮子隨他去臘一樹
棠梨葬年年春雨

芙蓉山館詞鈔卷一

臺城路

爲晴沙舅氏題春風影若小照

頭銜最愛稱茶部高風更懷桑苧柿簾拋時桐飄拂處飄出冷
烟千縷青驄纔駐約不夜侯來共伊客與此客殊佳未須更顧
索郎語松濤時沸幽耳又疑瑤甃畔亂響春雨細點紅蕖輕
研綠雪小盞盈盈勻注清幽如許吹不上京華一分塵土謾解
朝衫腋風輕自舉

前調

一肩茶具隨行屐揭來錦城閒憩巴峽寒流峨眉飛瀑可似江
鄉風味郵筒頻寄問蒙頂春初雪芽生未折腳鐺中空明滿貯
冷雲髓軒窗長日無睡愛披襟獨坐風日晴美琴韻愔愔

香溫溫添上半甌寒翠閒情如水憶小杜當年落花風裏何似

眞長著柯饒實理

世說劉蒼若初有實理

前調

長吟平子歸川賦翩然遂吾初服調水符閒清人樹老無恙家
山新綠浪翁水樂愛別有宮商不關琴筑貯月分雲不勞遠去
向甘谷 眼前塵事都遣向林泉勝處管領清福冷顙冰花香
凝雪乳抵得明珠十斛然將楚竹看魚眼勻圓嫩湯初熟破睡
風來萬松涼謾謾

前調

生綃盡出江南夢而今果饒歸興綠拗盈階紅尖照水彷彿圖

芙蓉山館詞鈔

卷一

中風景煙霏雪凝看水色茶香故山都勝只是風前鬢絲換卻
舊時影 相看共有茶癡記輕風細雨催喚烟艇秘色窯邊長
生瓢畔細和昌黎石鼎頭綱八餅怕題起前塵便勞追省悟到
無言聽流雲出嶺

荷葉杯

寄二弟

一點幽懷難寫深夜窗燭背人紅三更殘夢雁聲中相見總朦
朧 冷月黃花籬落蕭索一別兩重陽故園對酒也淒涼何況
是他鄉

蝶戀花

吳江道中

秋水一灣雙槳舉又送行人過卻吳江浦回首津亭天欲暮碧

雲如畫含殘雨
獨倚危舷愁不語無限吟情付與崔郎句爽
岸丹楓無別樹夕陽紅到銷魂處

水龍吟

月中對月有感

浪紋千頃玻璃蘭舟棹入空明地推蓬遙望露華吹溼薄羅衣
袂蠟燭幢幢單痕隱隱清輝如水恰愁人無賴眉間心上無限
事都提起莫是誤來人世倩姮娥把愁遙寄奈他碧落深沈
長是玉樓深閉五夜哀蛩一天冷雁逼人愁死看方諸影裏絲
絲點點替彈清淚

齊天樂

雪夜排悶

海神慣作魚龍戲漫空六花零亂細刻圓冰輕研碎玉裝點誰

家池館簾絲串斷愛脈脈如塵當庭吹滿一曲新歌衍波牋紙
付蕭賈青鐙掩冉如豆擁裘孤坐處更箭頻轉蓮子杯空蘼
花被薄無分酒香裊煖淒涼誰管便憶起天涯雨三吟伴凍合
江雲夜深離夢遠

蝶戀花

旅夜

金柝敲更蘭夜半鐙暈迷離抱影眠孤館一榻青綾偶未煖荒
雞又把行人喚裏上霜花吹欲滿裊裊鞭絲催過溪橋畔回
首失關天樣遠柔腸只共車輪轉

前調

替戾鈴聲寒轉急絮起閒愁百種鎔心鐵塞北風高綿欲折蒼

涼古道沙如雪 底事芳辰輕遠別
昨夢還家似有人憐惜坐
轉碧欄干外月曉寒珍重分明說

眞珠簾 冰花

誰將面面琉璃鏡照出雲華層疊香色了難尋最高寒標格花
工小住光明界早枝葉生來都別瑩微似一叢喬樹逗來圓魄
惜少嫌雪璫霜做紅嬌紫妬助他顏色移傍水晶簾怕阿誰
偷折奈他彈指銷融後便化作冷雲無迹愁絕似殘春風雨一
般憐惜

河傳

夏夜聞隔院歌聲有感

宛轉淒怨路迢迢隔斷紅牆綺寮香喉一串可憐嬌長宵惱人

翻六么 我亦康陵傳舊譜
爭琵琶鼓紅豆當場數到而今恨飄
零空庭倚欄和淚聽

前調

記否紅裏綺筵前
玉指纖纖攏絃念奴嬌破想夫憐纏綿銷魂
自去年 觸起前塵惆悵夢江南
弄鶯地風吹送落花香月影
涼思鄉夜深人斷腸

木蘭花慢

竹簾

是湘雲一片誰翦落影娟娟看愁淚無痕離魂欲化院後廊前
玲瓏冷波低蕩任花風裏上水沈烟曉露千絲碧簷夕陽一桁
紅偏 明玕戍削可人憐最好已涼天憶舊家風景蒨花小閣

簪葉輕船而今水雲無分只紅塵遮斷便疑仙留伴桃笙八尺
日長枕手閒眠

念奴嬌

錦筵紅燭酒三行以後拍張盲志但得索郎同旅語眼底何知
許事如此良宵爲招座客各試平生技蔗竿爲仗下堦三中其
臂便擬火底調笙柱閒縛角演出魚龍戲打鼓搗來騎屋棟
竟作摻擲而起人笑顛狂我誇跌宕任達爲佳耳誰能端坐讀
書作老博士

臨仙江

花瑄無聲虬水咽比肩人倚紅樓拈將夜合入磁甌玉纖斟翠

醵珍重解郎愁
疊疊涼雲相掩映素娥也似嬌羞出闌干畔
笑凝眸滿簾花影好不肯上簾鉤

應天長

半簾花影西風颭冷逼鳳鐙孤燄閃移妝檻鋪文簾十二雕窗
和月掩離愁濃似醺宮樣雙蛾長斂檀枕夢醒回粉臉淚珠
三四點

卜算子

稜稜畫屨牆窄窄湘裙衩一寸秋波不耐嬌彈淚秋千下銷
字十三行半摺箋新研鸚鵡無情也解愁學說相思話

更漏子

御鸞釵熏翠被深院夜寒如水
冰窗掩畫屏空箇人愁思濃
篆香熏銀液凍醞造一牀愁夢
霜片墜月華低早雅烟外啼

水龍吟

涼波一片空明飄來露腳如烟細沙鷗撲漉草蛩叨絮攪人無
寐獨凭危欄紫蕉衫薄夜涼如水正嫦娥嬌嬾裝成半面徐徐
被雲扶起忽聽歌聲搖曳想高樓有人偷倚香咽珠字玲瓏
一串紅紅難記已是他鄉那堪消受者般情味看綠窗深處雙
絲絳蠟也飄秋淚

菩薩蠻

譙樓搗鼓聲聲徹小牕初上迷離月獨自翦秋燈畫屏山幾層

夜涼會半擁顛倒江南夢心事情誰傳此閒無杜鵑

浣溪沙

初試生衣怯下牀小鬟拂鏡促朝妝露桃紅影上銀牆
曲院春寒螺黛歛重幃風細麝煙長夜來好夢費思量

蝶戀花

小院涼生簾半揭羅幕如煙一點明蟾入浴罷憑欄雲髻側輕
絢掩映芙蓉雪誰傍花陰調釧簫觸起柔腸多少愁根節銀
漢迢迢蘭信隔露華和淚吹衣溼

臨江仙

一自游驄花外去經年久絕音塵空箱疊損鬱金囊鏡鸞羞獨

照我麝情餘熏 碧海青天人悵望斷腸最是黃昏紅箋小字
寫迴文淚絲山枕雨夢影鎖窗雲

虞美人

四條絃子龍香柄紅燭幢幢影當筵催賜錦纏頭小隊霓裳都
解按涼州 夜闌漸覺聲淒促不是江南曲離人聽罷轉無聊
憶著吳娘暮雨唱瀟瀟

生查子

微紅頰暈生淺綠眉痕逗侍女約簾鉤繡閣妝成後 細步下
香階慢卷官羅衷折得小桃花背立東風瘦

女冠子

多生慧業憶在蕊珠宮闕玉臺前明鏡圓規月輕羅澹卷烟
機中挑錦字花底語香絃無限關心事惜華年

謁金門

更漏轉獨夜最難消遣惆悵意中人不見銀河清且淺
簾波斜卷曲曲屏山不展露溼秋星三四點熒熒如淚眼

蝶戀花

記否蓉湖湖水漲千柄風荷紅影爭搖蕩消夏灣頭停雨艇新
詞付與玲瓏唱久客不須頻悵望料得年來風月應無恙一
葉扁舟烟水上他時客我長蕭放

百字令

過疏定遠墓

蘭臺著作讓阿兄獨步甘心投筆別有奇功垂史冊伯仲居然
雙絕遠度龍荒窮探虎穴不負封侯骨傭書碌碌小儒何處生
活當日絕塞留屯孤軍制勝拓地通疏勘萬里功名真唾手
依舊玉關生入故國魂歸高原冢在三尺麒麟碣我來憑弔英
風猶振林樾

摸魚兒

家伯初過興平有弔貴妃墓詞因和之

是耶非人問天上一抔埋恨荒土蛾眉訣絕須臾事此地六軍
曾駐君看取剩滿地苔錢淚洒胭脂雨延秋古路悵凝露香銷
翦霜紅葬寂寞佛堂樹傷心處零落霓裳小部千秋絕調誰
譜一般解脫龍華劫不及雪衣鸚鵡真浪語渾不信玉真自返

蓬山去香盟已負縱拔地生天慧因重證此恨也難補

錦堂春

新正二日次清風店題壁

樓角初融晴雪簾旌低襯明霞佳游彷彿章臺路
紉馬玉鞭斜
小豔疎香時候嬌歌脆管人家東風從此須珍惜
二十四番
花

定風波

道中見新月

側側輕寒夜漏分纖纖月影碧籠雲逗出春光剛一線
初見如
塵似夢最銷魂
看到團圓知有待無奈清輝偏照別離人
纔
把閒愁拋撇去凝眸鏡中眉樣又逢君

齊天樂

鈴聲

耳鳴不是聞鞞鐸鈴聲晚來淒警古堠烟寒空槽月落一片宮
商相應清圓入聽更似怨如愁助人銷凝夜雨唐宮千年恨事
劫灰冷 花叢舊遊堪憶綃風絨索動香夢初醒鸚鵡母簾前猶
兒恨底不是者般情景千迴記省問飄蕩行蹤甚時方定伴我
心旌共搖春夜永

前調

拆聲

是誰散打蝦蟇鼓聲聲恰環鄰屋逗破黃昏敲殘白曉不管離
人眠熟跳珠撒菽似玉虎牽絲桐魚呼粥記否當場爭琶滾徧
六州曲 嚴城曾伴刁斗正邊烽夜警急響相續舊事心驚長
逸耳倦孤枕那禁棖觸更闌轉促又攏入寒雞數聲伊喔催墮

鎧花背人紅餞餞

摸魚子

過邯鄲

兩茫茫神仙富貴邯鄲古道行客酒邊初話才人恨零落好春
堪惜薄命妾休悵望鈿車夢斷瓊樓月若華一闕記當日叢臺
妖歌嫵舞轉眼也消歇人何處謾道上清淪謫蕊珠依舊宮
闕年華最怕經風雨多少粉魔香劫尋解脫除非問青鸞枕裏
丹砂訣情腸儻熱便金屋藏卿雲臺著我還是夢中說

臨江仙

人日

屈指春來才七日行人去去何之別離不慣苦相思倩誰繫
勝爲我把金卮雁後歸期全未穩吟情也比花遲江南消息

早梅知疎香官閣夢冷蕊草堂詩

祝英臺近

清潭水

蕩晴雲流曉月綠影渺無際橋斷虹腰
恩阻征騎舉鞭指點斜陽英雄何處
忽烟景蒼涼如此黯凝睇惆悵銅雀高飛
無人識遺址鴛瓦零星也沒魏宮字
只餘一掬春波盈盈東注是
多少望陵人淚

漢宮春

旅舍見迎春一樹花甚爛熳因成此闕

除卻江梅算春風消息伊最先知蕭疎籬根石角見兩三枝宮
羅幾疊怯朝寒纖瘦難支依稀似玉人
槌貌慙慙小病闌時

香國何人試巧怪輕勾蜂額細翦
鸞衣風流未輸弱柳金縷低

垂初三淡月逗微光偷照幽姿憑寄語東君著意莫教擔誤花
期

蝶戀花

蝶門阻雨

滑滑春泥朝雨罷小卓雙輪人住旗亭下一抹淡烟青欲化乳
鳩還把輕陰罵韶景拋人彈指乍柳情殘春槐自迎初夏爲
問晴光如可借丙丁帖子催教畫

洞仙歌

有贈

趁時梳裹恰明姿玉潤花朵盈盈壓危鬢更橫波犀利巧步尖
纖誰得似一種可人風韻綠雲行不得笛轉音高羯鼓勻圓
四絃緊袞徧小涼州淺立筵前又輕語流鶯聲近長記得相逢

踏青時看細馬春衫倍憐輕俊

前調

幾番邂逅信十分閒雅不是矜持見時乍看銀泥褰褶金屑檀
槽貧顧曲不覺酒闌燈灺也應憐宋玉月夕霞朝爲爾腰圍
瘦堪把秀色遠山橫好倩丹青寫鬢影春風圖畫算標格真應
伴才人坐翠竹叢邊玉梅花下

前調

阿環嬌麗正穠妝卻扇半彈叢鬢貼金鈿恍羅浮鳳子五色翾
纓雙垂手三疊霓裳拍徧有緣連榻坐對話江南吳語關心
最清軟一曲紫雲迴賞殺嬌喉紅氍上明璣鋪滿更別有風流

聚人思聽冷雨幽窗恁般淒怨

前調

天然結豔是薰香佳俠放誕卿還用卿法正落梅妝罷墮馬梳
成用壽陽孫壽事同心帶雙綰紅綃尺八鴛鴦生怕捉隔著芙蓉未
許相親便相狎讕語故嘲伊淺笑伴嗔腮潑畔紅潮一霎只病
酒心情可憐生便小盞當花忍教輕呷

前調

鸞咽妬唱聽紅牙頻點銀燭千枝吐蘭燄怪纖纖過酒小小藏
鉤看瘦影何事翠蛾偷歛紺圓留慧種柑樹雙林肯共羣葩
闌華豔回首夙生因解怨颺零道歌扇舞衫都厭料別後秋心

定淒涼對月淡花疎此兒堪念

東風第一枝

人日

拂戶風柔隔屏寒淺佳辰入春纔七綺筵初泛清樽華旛漫題
彩筆團圓官舍數樂事最宜今日只故園遠隔天涯卻憶桐花
消息 恰金斗生衣乍熨更篆鼎水沈旋爇逗來樓角明霞滅
卻庭陰殘雪熏桃注柳看取次春光如纈愛清宵脈脈多情簾
外微黃新月

探春

銀川旅舍元夜偶成

寶釵銷痕仙雲散影三五明蟾豔婉暗釀春嬌全迷夜色鐙火
六街零亂無奈餘寒峭尙未放繡簾高捲一般笑語盈盈翠樓

多少游伴 誰念旅愁孤館 覺點碧裁紅 舊情全懶 心字香銷
雙花燭炬 怕聽邊城歌管 凝想江南 信早開過梅花 一半剩有
閒情彩牋 新句題滿

鳳棲梧

與二弟別後宿平戎驛作

萬里分攜 眞草草 流水東西 嗚咽傷懷 抱削雪千山 山四繞 塞
程迢遞 何時到 我亦風塵行未了 羸馬黃昏 缺月來相照 獨
火熒熒 邨店小 夜寒葉斷人聲悄

百字令

旅夜有懷舊遊

華年彈指 最難忘 只是酒旗歌扇 金粉南朝 行樂地 水榭中宵
絃管 楊柳情絲 海棠夢影 醉眼春撩亂 分香帕子 行行新句題

滿誰念關塞樓遲吳雲萬疊離恨連天遠烟月秦淮無恙在
依舊蘭橈波煥豈角吹愁銅荷飄淚聽徹更長短沈思往事酒
醒人在孤館

生查子

游蜂觸樹僵啁雀爭枝墜暗裏覺春回尚有餘寒在 小步粉
牆陰剔雪尋梅蕊零落惜花魂滿眼傷春淚

百字令

藥爐煙裏怪春來小病厭厭如許玉琢相思金鑄淚只有此情
難訴麝炷香銷鉛波鏡掩誰與修眉譜沈思往事總如春夢無
據須信交頸兒雙頭菡萏慣入閒詞賦留得情腸經劫在

花鳥也堪千古光
碧堂前蕊珠宮畔待覺游仙侶
三生慧業未妨多作情語

蝶戀花

紅過花枝青遍柳
彈指韶華又是清明後
長日厭厭如中酒閒
愁空在眉尖鬪
拋卻金鍼慵刺繡
窄地簾波料峭輕寒透
薄暮倚闌垂翠裏
落花風裏春人瘦

燭影搖紅

且食蛤蜊那知奴價高于婢
裸衣亭上大聲呼何與癡人事
年少疎狂意氣歎此日消磨盡矣
風沙蕞劍莽莽天涯竟無知己
仰屋著書千秋萬歲誰傳此
不如魚鳥見流連肆意酣歌耳

客舍西風又起憶故園葦蘆正美幾時歸去一棹飄然五湖烟水

摸魚兒

九日廬山登高

傍層樓晴雲數點霜空萬里無際年年此日題餞會佳客樽前
同醉離別易真箇似萍蓬聚散無根蒂漫郎憔悴也中酒懷人
星星滿鏡旅鬢早斑矣誰相念十載邊城孤寄西風吹夢迢
遞故山雲壑應無恙何日好尋歸計秋色裏依舊是紫萸黃菊
傷心麗凭高引睇又猛拍闌干曼聲長嘯塞雁忽驚起

菩薩蠻

相思人隔榆關道芳心卻怪春來早低語祝花枝人歸開未遲

黃昏聽玉漏影背明燈瘦香夢遶屏山雲迷第幾彎

齊天樂

三弟寄椒珠並蜀箋數種賦此二闕示之

申椒密綴驪珠顚玲瓏是誰呈巧郁烈盈懷勻圓在握雅稱騷
人襟抱奇芬繚繞似頌過靈花酌來春醪佩作香環碎邪不用
鑄剛卯休嫌幻成圓相當風偏逆鼻生性孤峭蘭是同心桂
原其氣風格自憐差老禪機悟早愛百八牟尼一般香妙證入
聞思帶些辛味好

前調

文鱗六六巴江到鑾箋百番相贈海藻輸華溪藤讓滑幅幅疏
璃光瑩粉痕紅凝更染透桃花十分妍靚韻事流傳錦官城外

薛濤井 宮中曉寒曾賦衍波題未了仙夢催醒冶習銷磨香
詞零落不似當年吟興舊游追省把袍襖留題徧鈔還贖待做
銀鈎撥鐙銷夜永

倦尋芳

春陰

留煙渲翠借霧迷香春意無限溥靄冥濛吹上苔衣微泣鵲腦
慵添鱸篆紉龍脣罷撫琴絲緩傍雕闌問小桃無語似含嬌怨
聽屋角午鳩頻喚惆悵芳時晴景難見翠地簾波斜倚枕函
人倦好夢竟隨蘭信杳幽情不逐花風展望吳關謾凝眸綠蕪
天遠

鵲踏枝

三才集言金
錦瑟無端移玉柱
客餐蕭疎彈指華年誤
焚尾酒寒杯嬾舉勸
人空費流鶯語
試看小園桃李樹
嫩綠陰陰一抹朝烟護
花片似知春去處
隨風萬點尋春去

芙蓉山館詞鈔卷一

原男
夔生校字

芙蓉山館詞鈔卷二

金匱楊芳燦蓉裳著

浪淘沙

衰柳石橋邊。且放江船。夕陽明上鷺鷥肩。瑟瑟蘆花似雨，萬頃秋煙。風緊布帆偏。黯澹霜天。袂衣寒重要添綿。回首家山青漸遠，鄉思悽然。

謁金門

愁脈脈。抱影獨眠荒驛。階下寒蛩唳不歇。秋聲高一尺。涼浸羅衾。疑溼露氣。隔簾吹入單枕中。宵頻轉。側夢雲無處覺。

臨江仙

記否徵歌桃葉渡當筵頻醉羅囊東風吹暖一樓春花香歡氣
息柳弱妾腰身飄泊天涯人易老佳遊早謝前塵藥鑪經卷
伴黃昏鬢沾秦塞雪夢斷楚山雲

解語花

癸春

鮮雲乍卷麗景初舒簫鼓晴郊闌朱幡翠葆紛成隊兒女攔街
歡笑蹄瑩角矯訝刻畫形模偏肯待來朝撲散香塵看綵絲爭
裏陌上春泥融了漸軟紅吹漲花信先到玉驄驤裏尋芳客
別有珊珊縈繞田家相報聽遠樹架犁鳥名催曉好呼童飯犢煙
坡勸東畝耕早

前調

鷓鴣

妝成梅萼頰過椒花儘有閒心性春風曉鏡雙蟬鬢宜貼銀幡
華勝金刀手冷怪幾日峭寒猶凝颭晴霞活色生香乍看來不
定花戶油窗相映愛晨光微逗分外幽靚蕙纖巧逞新裁翦
多恐蝶魂催醒明姿端正便香國司花也稱傍妝臺小立盈盈
散滿身紅影

前調

賣燈

春情豔婉夜色迷離小市華鎗徧方空素絹新描蠶露葉風枝
低顫燭花初翦看萬點琉璣齊泛隔簾波悄擲金錢不道韶光
賤最憶雪晴池館正蕙花香散翠幙初卷月華如練人微醉
那管漏催銀箭春風圖面在夜火闌珊庭院悵江鄉一種佳遊

問甚時重見

前調

試鼓

架塗青漆牀釘圓花百面春雷響雲窗霧幌傳聲處趨得和風
駘蕩歌場十棒恰袞徧六么高唱遶花叢紅萼催開更翠萌齊
長少目蕭郎伎癢搗來騎屋棟意氣豪上一般俊爽花奴手
可似漁陽清壯休誇跌宕怕絕調更無人賞近天街且聽淵淵
和康時擊壤

臨江仙

露井冰銷寒意淺抱琴人在閒庭憑爐香裊戶初扃卷簾遊夜
月滅燭數春星煥悴司勳才思滅天涯甘載飄零江南山色

夢中青梅魂無處覺柳眼幾時醒

翠樓吟

丙辰二月花朝適逢春分社日詞以記之

春色平分花期剛到又逢簫鼓卮社韶光看總好問何處最宜
閒寫少年游冶記鬪草池塘簸錢亭榭彈指乍前塵如夢舊歡
都謝牽惹萬縷閒愁待雙燕歸來訴他情話花梢寒料峭猶
未放一枝紅亞春魂欲化漸苔髮風梳柳眉煙畫酣清夜且傾
佳釀月波同瀉

浣溪紗

一桁簾紋窳地垂天涯芳訊費尋思閒愁惟有翠眉知
煙裊綠痕歸柳重霞分紅意到花遲殢人最是早春時

邁陂塘

楊梅

記冰厨吳鹽如雪滿盤鶴頂初破年年筍老櫻殘後便盼洞庭
煙柁圓叟過看拾到筠籠翠箬重重裹勻圓百顆笑嬌小吳嬾
玉纖拈處先怕粉囊泥閒銷暑露井水亭清坐不須料理茶
磨夜深一口紅霞嚼涼沁華池香唾誰餉我況消渴年來最憶
吾家果歸田願左便買夏綸圓山資未辦作計甚時可

前調

枇杷

傍牆根飾煙漏月濃陰一簇如蠶蠟珠密向枝頭綴壓得翠梢
低亞梅雨灑也染就嬌黃軟綿宮羅帕林鶯姪姘縱香夢驚回
金丸在手爭忍便拋打謗珍品只有江南亭榭離離子熟長

夏相如錯認秦中樹賦筆空勞摹寫纖露下愛摘向雕盤俊味
甘於蔗閒情又惹記端正窺人當風郭裏花底小門罅

前調 青李

憶江南堆盤碧實拈來露氣猶溼青房別是瑤池種不數千株
玉葉寒水浥恰好其浮瓜顏色爭蒲鵲甘回齒頰似青子紅鹽
分來風味入口卻微澀招涼處偶傍閒階小立兒童樹底爭
拾一痕細認嬌紅凝西子春纖曾捻歸思切正獨坐幽齋寫到
來禽帖歡遊未愜羨當日南皮名流佳讌擊爾伴蠻檻

齊天樂

珍珠蘭

疎花隱葉渾難認清宵露痕微泣細裊冰絲斜穿翠縷瑟瑟寶

珠成串兒孃試翦髮插向蘭雲倚風輕顫一斛樓東向人憔悴
訴清怨 疎簾剛逗新月坐來冰簟滑漏箭初轉乍覺生香如
聞吹息慣惹離人腸斷愁深夢淺問碧影纖纖甚時重見剩有
清芬夜涼浮茗盃

前調

茉莉

瓊田萬朵仙雲墮名花幻成奇絕玉骨玲瓏冰魂縹緲不識人
閒炎熱看來總別似夢入瑤臺月華如雪未信炎州出塵有此
好標格 碧紗幮畔銷暑玉壺曾貯處一樣瑩徹冷豔疑銷空
香欲化頻向枕函邊覓仙姿誰匹怕紫奈青槐比來差劣澹到
無言滿庭涼露白

前調

夜來香

紗櫺月上玲瓏影幽懷不禁悵矚似有香來不知花處葉色隔
簾微綠芳叢幾簇愛人定風微麝薰吹足素女多情空中也爲
撒金聚 追涼最宜露坐傍垂蘿低蔓冷翠如幄碧玉娉婷綠
珠嬌小相對黛眉雙蹙明河絡角只可惜涼宵漏聲催速漫展
蕉牋譜新詞一曲

高陽臺

新秋息園晚眺

小雨催涼微雲弄晚一庭秋色澄鮮茶具攜來呼童試瀹清泉
遠廊靜聽風甌語澹吟懷句可通禪記前番藥巾開時曾放觥
船 閒階幾簇秋花瘦倚玲瓏小石分外幽妍垂柳多姿蕭疏

已惹愁烟林鶯總惜春紅老到秋蟬綠也堪憐正銷凝新雁行
行又過樓前

秋霽

本意

涼雨初過喜天放新晴滿眼秋色林響蕭騷池光澹沱苔痕綠
透簾隙溼雲無迹斜陽影裏殘虹直更杳杳屋角遙岑微露一
螺碧
蒼然平楚暝色催愁幾番巡檐暗數歸翼望吳天故園
何處山中猿鶴正相憶萬里雲波蘭訊隔凭高目斷又是根觸
離心小樓風外一聲長笛

步月

王魯

玉筍留痕冰壺蘸影冷光微映簾押幽叢淺綠比蕉心差狹看

露下素萼開纔訝雲外瑤姬來雲搔頭小吹墮碧欄幻成香莢
麝熏圍匝匝正拜月妝成葉底爭招箇人纖媚傍蘭雲低插
愛一縷香逗秋衾正半夜夢回涼榻清韻足沈水罷添睡鴨

水龍吟

墓花

小紅開徧遙汀明漪倒浸玲瓏影花工似惜秋容催老渚蓮千
柄故著幽姿叢叢點綴水鄉煙景料閒鷗也愛風標如許拌立
到斜陽冷宛轉虹橋相映正湖干約絲風定柔枝婀娜低捎
翠藻弱牽青荇碎珊瑚臂將瓊珞粉零香賸悵江南路遠何
時花外更維蘭艇

紅情

芙蓉山館詞鈔

卷二

六

小園雨過看盈盈，
槩底危花難妥照。
水亞枝顚影偏憐，
態纖瑣薄暝殘霞數點。
晴煙外怯風吹墮。
似靜女病起慵妝，
臨鏡鬢雲一朶。
最婀娜乍點注絳脣，
笑齒微瑳冶情無那。
怕點閒階翠苔破，
分付催春杜宇。
莫更把舊痕颯浣，
任高閣客去也。且留伴我。

綠意

嫩晴臺榭又壓檐，
新綠一片低亞。
試拓窗紗，
几硯生涼，
碧痕潑眼疑瀉。
漫研螺墨爭題句，
正滑膩苔牋初訝。
羨尋香小燕身輕，
穿過幾重烟罅。
況是迷空翠雨，
遠山愁黛，
斂秀色難畫。
挑菜期過，
採葉人歸，
可惜好春無價。
便尋遊伴，
攜蠻榼，
拌醉倒青莎。

堪藉怎因循負了韶華彈指悵悵槐夏

玉京秋

曉月

天宇碧冰蟾又飛上半規孤白翠波不動雲華疑裂挂壁昏鉞
無燄漸秋牕涼影如雪催行客夜烏驚起繞枝淒咽 冷浸星
痕欲滴點征衣方諸淚溼如許清輝無因向紅樓人說馬背尋
殘夢髣髴身到琳華宮闕太相逼一片煙霜曉色

徵招

霜花

玉烟匝地殘蟾起高空夜雲齊歛青女鬪嬋娟散瑤花如糝
衣明冉冉只吟鬢怕教頻點更惜東籬菊蕊憔悴替香全減
攏馬過溪橋空濛裏回首一番消黯冷蕊不依枝逐西風輕颭

莫嫌姿太澹好秋色儘伊烘染看霞外幾樹丹楓比茜桃還豔

菩薩蠻

舞鸞鏡匣流塵滿曉妝無奈鸚哥喚掠削纈雲偏蘭釵欲墜
陰陰香霧凍敲枕春愁重簾捲正西風落花飛向東

金縷曲

黃蘗林自興安軍營寄梅花小幅因題四闕於左

廿載辭江國記尋春襖衫茸帽歲寒泉石拋卻家園三百樹漂
泊天涯爲客聽吹徹玉龍淒咽縞鶴青猿勞悵望繞寒溪幾度
飄香雪江天遠夢難覺故人知我心相憶研生綃一枝疎瘦
竊來烟嶺海月流光明似鏡冷挂珊瑚七尺彷彿見舊時顏色
不分何郎吟興減索枯腸試點春風筆鐙欲炷硯剛炙

前調

尺幅傳心素傍南枝淋漓題徧相思新句慷慨短衣隨玉帳不
道此行良苦看揮灑儘饒風趣只我沈吟添別恨黯銷魂細雨
關山路佳人遠碧雲暮 飄零總怨前塵誤漫裁詩嘲桃蘼柳
賞心難遇記否巡簷同索笑雪北香南俊侶空回首舊遊何處
甚日相攜官閣畔對疎花重把淒涼訴展瑤席酌蘭醕

前調

薄醉吟肩聳正邊城臘寒三九傲裝孤擁竹外橫斜看最好恰
伴小齋清供須省識寄時珍重手炷水沈煙一縷拂琴絲譜出
江南弄冬心抱有誰共 四簷晴雪懸冰凍照文窗淩兢蛟背

墨波浮動十二屏山圖屈曲似有暗香偷送賺兩兩翠禽幽暝
獨夜蘭缸明似豆擁青綾定作羅浮夢寒月影逗簾縫

前調

彈指華年過掩重關鬢絲禿榻六時清課知己關情千里別貌
出寒花似我有多少冰霜摧挫客到任嘲元尙白只紫衣空惹
緇塵浣名山約幾時果 懷人遠道情無那劃蘆灰喚添商陸
微宵癡坐一派角聲邊月曉冷豔盈盈欲墮更玉齒粲然微瑤
姑射仙姝天際想笑騷人有句吟難妥憑驛使寄君和

百字令

喜蔣林至高平招同周仲雲陸秀三遊柳湖卽席
賦此

廿年舊雨喜天涯握手倍增幽興遲日園林新霽後占取風光

殊勝瘦竹迎筇枯苔印屐柳色明衫影湖光湛綠小亭恰似漁
艇最愛泉味清甘瓶笙細響就石支茶鼎似此佳遊曾幾度
記否故山煙景靜識禽音樂知魚意懶愜閒雲性踏歌歸去一
林疎翠初暝

玉漏遲

憶歸小艇玩月

晚霞初散綺正素月流空光逗簾額試拓疎窗淺印一方珂雪
涼意蕭蕭竹樹人靜後滿庭秋色河影直遠山不動夜雲堆碧
攜手共覺清歡好料理吟箋莫負蘭夕記否頻年對景漫勞
相憶小閣玲瓏如艇渾疑泛鷗波千尺更漏急生衣露華吹溼

沁園春

中秋前席用迦陵韻同二弟作

今夕何年皓月當頭停杯問之記隱囊墨尾曾陪庾亮舉禽朔
管曾伴陳思清譙西樓冶遊北里多少騷人絕妙辭今何處只
瓊宮無恙環佩珪微 晴空霧斂烟霏算此景年來見亦稀儘
掀髯老我首情頓挫隨肩愛弟才調恢奇蘭席平鋪螺牕盡拓
觚爵齊騰逸興飛燒高燭擘蠻箋十樣醉墨分題

前調

風度疎簾露下高梧清輝轉揚更涼莎繞砌蛩聲斷續明雲度
水雁影微茫綠釀浮杯紅紗照坐起舞當筵低復昂秋光好且
冷吟閒醉此計差長 偶然闌入歡場有俗客前來興也妨恰
人如雨晉襟懷灑落樽開三雅幫展迴翔笑語官奴兼呼末婢

落筆爭誇錦繡腸
流連久愛清言郭象狂
態衰羊

前調

對月高歌細數生平紛紛角張歎少儒戎幕征裘凋敝相如園
令賦筆擢藏寄淚音書驚心烽火客易人歸百戰場吾衰矣漸
容銷秦鏡鬢點吳霜 風沙古塞伊涼竟誤認他鄉是故鄉悵
五湖烟水空思泛宅廿年塵土未許褰裳忍負盟鷗更騎官馬
羞向關西道姓楊誰招隱說小山叢桂吹滿秋香

疎影

爲顧仲業題梅邊吹笛圖用白石詞韻

明漪浸玉恰小舟如鷺波上棲宿寂寞冬心黯澹春魂併付一
枝橫竹泠泠清磬聲相應恍人在香南雪北好招他入寺湖光

來伴吟懷幽獨 坐到月高花瘦天風吹暈小空影微綠夜氣
高寒孤檣初迴燈火前灣漁屋延緣不盡湖山興絕勝似當年
刻曲寫清遊浣筆冰壺留取疎香尺幅

百字令

初七夜月

靈辰過了愛微黃新月隔簾初上星影闌干雲數點引得吟情
搖颺街柝才傳庵鐘乍歇空外箏弦響小歡微醉算來不負清
賞 恰好倦枕琵琶北牖企鵝天際真人想從此清輝看漸滿
留客細傾佳釀鐙蕊銷紅茶煙裊碧墨泛空明浪夕陽西下笑
他鄰女猶唱

前調

初八夜月記去年與荔裳在高平師別時用前韻

去年今夕正半輪皓魄空桐山上偏照離人催部曲一派旌旗
搖颺問道傳烽急郵飛羽節鼓連天響良辰三五可憐孤負歡
賞轉眼又是經年燕山蜀棧各有天涯想料得高堂應念我
對月懶傾家釀暈未全銷圓如有待夢怯巴江浪謝家詩句吟
成誰和高唱

前調

初九夜月適禁春木吳兼山過寓同周倬雲夜話三疊前韻

晚雲齊斂又月華滿地新弦剛上佳客翩然欣入座風引畫簾
低颺茗淪皐盧火添商陸靜聽瓶笙響門無剝啄閒中頗愜幽
賞莫話蜀道風塵吳江烟水

兼山將歸吳門

人海飄零想差喜清光

千里共排悶且沽春釀境自空明人俱疎俊我亦甘流浪一聲

銅鉢敲殘更促清唱

前調

初十夜月飲周約齋儀部寓時約齋將乞假南歸四登前韻

閒圓小閣喜銜杯話舊明蟾初上兩樹寒梅齊破蕊坐覺暗香微
颺妙句調絃清談夏玉何必爭鬪響廿年隔面今宵好縱清賞
羨子得遂初衣東華夢裏浩蕩湖山想京口鱸魚春正美
爛醉洞庭新釀遲我三秋買他一棹共鼓煙江浪歸田賦好讓
君且作先唱

前調

十一日夜月紀香谷吏部招飲與涼州沈太守話舊作此東二句五登前韻

樽開三雅正清郎休沐襟情豪上一院月痕寒似水隔幔霜華
飄颺綠燈頻浮紅牙試鬪腰鼓春雷響松明張玉罔鑑雜坐歡

賞 廿載關塞樓遲故人相見觸我前塵想記否蘭山曾買醉
十斛蒲萄紅釀華髮盈顛流光彈指蹤迹萍隨浪伊涼新曲只
今誰擅高唱

前調

十二日夜無月顧晴芬以詞集見示讀至三更月復
明朗六疊前韻

春寒料峭把文牕六扇一齊關上牕燭垂花圓似豆一縷水沈
煙颺霧淞模糊髮華匝風裂輕冰響笛家琴趣深宵隨意吟
賞 吟到烏夢難圓梅魂欲化最耐人閒想惜少紅紅能記曲
且自淺斟新釀堅坐星闌重看月起雲散魚鱗浪不禁忍俊抽
牋約其酬唱

前調

十三日夜月同春木兼山晴芬俾雲步月廣慧寺訪
詩僧鏡微七疊前韻

攜朋散步愛多情皓月照人衣上逐隊最嫌鐙市開車馬六街
塵颺十棒嬌歌千羣戲鼓何似鐘魚響禪關試叩佳哉此夕遊
賞 才是小據蒲團同拈香偈便作逃禪想留客仲殊偏解事
蜜酒半巵剛釀高下樓臺參差金碧層疊翻銀浪花宮人靜冷
冷仙梵猶唱

前調

十四夜月吳穀人先生張艸山檢討招飲八疊前韻

詞壇鉅手數叔庠淹雅景陽道上綠酒分曹邀客醉逸興一時
飛颺隔座藏鉤交竿舞蔗鼓擿銅丸響狂歌痛飲九分圓月堪
賞 漫道磨盾飛書橫戈入陣萬里風雲想縱使功名垂竹帛
不抵一杯新釀釣渚波平漁舟夢穩嬾破長風浪賞雞白日玲

龍且慢催唱

前調

十五夜月過鄰曉屏侍郎寓齋小飲九疊前韻

遙山翠暝又一輪圓鏡半空飛上漸覺鳳城春豔婉簾捲東風
徐颺梅格孤清蕙香閒澹茶鼎松濤響鄒陽興劇開樽邀我同
賞卻語杞菊畦荒雲波路隔十載家山想夢裏蒼湖無限好
水色綠於新釀悄共鷗盟閒聽鴨語泛宅桃花浪倚舷吟嘯和
他西塞漁唱

前調

十六夜大雪十疊前韻

姝娥艷絕惹玉妃嬌妬踰鸞飛上亂撒瑤華迴舞裏恰趁落鏡
風颺簷夏懸冰窗敲急霰竹樹蕭騷響玉壺天地今宵別有奇

寬 使我神骨清冷擁裘孤坐得句無凡想澗柳吹桃工作態
一半春嬌先釀銀地無塵瓊田不夜碧瓦生寒浪梁園賦手招
來試鬪妍唱

菩薩蠻

冰紈小扇裁圓月羅衫愛染秋藍色繡作折枝斜疎疎落墨花
晚晴深院宇涼滴青桐雨簾卷盼銀河新添幾尺波

木蘭花慢

雨餘秋淨麗林影外蔚藍天奈一段鄉愁憑高送目杳杳無邊
嵐前晚霞紅盡遙山黯澹欲成烟草際初翹暝簾枝頭尙咽
涼蟬 蕭然素髮已垂肩飄泊問何緣悔黃塵烏帽頻番噩夢

過了華年遷延漫轉計惱羈懷不是爲無日但祝布帆安穩
西風好趁江船

百字令

七夕招浣霞芙初孟士竹素春木青士小集寓齋分韻得驪字

溼雲斂影正愁霖乍歇嫩晴天氣淡淡銀河橫遠碧數點落霞
明綺葉響催涼煙痕送暝夜色清如水邀朋共賞拈毫無限秋
意莫語天上靈期人間幽恨乞巧兒時事投老情懷偏嬾散
贏得小歡深醉顛倒桃笙縱橫著枕堅坐渾忘睡羅心燭爐冷
螢飛上衣袂

金縷曲

關干

梵宇玲瓏極遠迴廊行來約畧舊曾相識不似尋常閒院落十

二瓊樓寒色正一把柳絲無力約束春情教宛轉拘明蟾肯放
花陰直蓬山路萬重隔當風不碍疎香入蕩湘波簾紋窄地
翠烟如織回首遊仙成昨夢記否曾調銅笛更幾度弓弓點屐
多少嘸痕纖指印待重來覓徧全無迹苔花老滿階碧

邁陂塘

題樂蓮裳訪琴圖

望嶼巖蕭然獨往此中真有佳處調刁萬竅號天籟天際恍聞
琴語空響聚正滿澗流雲昨夜西山雨前塵頓悵縱夢斷人遙
絃孤傲冷懷抱自千古幽熱苦足繭一雙芒屨秋衫半浣蒼
士林風灑面涼如水日落但聽樵斧愁淚注歎野爨烟寒焦卻
桐無數良材儻遇便攜訪成連滄波浩淼海上刺船去

蝶蠻花

月落空庭雲影度斷夢難尋添上秋情緒搖蕩簾衣輕欲舉流
螢閃閃隨風去二十五聲殘點誤凭遍回闌夜靜無人語忽
覺花梢飄冷露曉星移上牆頭樹

菩薩蠻

琉璃一片空明夜珠簾半卷榆花謝花露暗吹香瑤天鶴夢涼
離心空脈脈斗轉銀河直風外坐調笙秋光別樣清

前調

荒霞聽珂諸君約遊西山不果作此柬之

秋風薦爽涼雲碎倚闌望斷西山翠古夢落誰邊夜星沈瘦烟
飛仙何處覺石徑無行迹洞口月明多年年長綠蘿

百字令

九日偕法梧門學士賈素齋士舍遊極樂寺

攜朋出郭正疎風迎面滿襟秋緒衰草黏天迷望眼一碧更無
今古老柳長隄殘荷淺沼曲徑通村墅林梢翠溼猶飛昨夜涼
雨最愛梵宇玲瓏僧樓縹緲絕好登高處只恨黃花消息晚
寂寞斜陽荒圃香繞藤輪茶翻石鼎靜裏通禪悟鐘魚催暝遲
回未忍歸去

邁陂塘

送吳兼山旋里卽題其湖田詞隱樓卷

話江南其饒鄉思輸君真箇歸去春明門外朝煙綠官柳陰陰
無數傷別緒儘曳雪牽雲不繫斑驢住銷魂漫賦算歸到家園
六朝山色冷翠滴秋句 湖干路窮窮烟波深處鱗聲輾學吳

語明漪萬頃韓文細淨浣征衫塵土驚俗旅有飛夢隨君先落
兼葭浦丁甯舊侶待招隱吟成浮家計就遲我狎鷗鷺

聲聲慢

題生香館主人茶煙煮夢圖

梨雲欲墮蕉雨纔停微烟低裊湘竹夢境迷離響聽瓶笙相續
文窗綃帷半卷潒溶溶翠痕如數詩魂悄定應吟遍萬山涼綠
更著一庭花氣約幾縷薰薰晚香浮屋彷彿天風吹度碧城
闌曲惺忪慧心易警正鸚鵡簾鉤催覺扶倦起瀟灑芽嫩湯初
熟

蝶戀花

元夜大風寒甚有作

萬頃銀雲迷夜色杳杳瓊樓一點高寒月卷地風威棉軟折半

杯松葉玻璃結 疊鼓無聲蓮漏咽 蠟淚堆紅窗紙都吹裂 凝
想江南花信息 落梅香散春燈雪

百字令

春夜聞雁

夜亭寒峭正風高 欲疊月波微 數雁影一繩 聲嘹唳 萬疊吳雲
飛透 細草生煙 殘花飄散 才是歸時候 星沈雨滯 天涯多少 儂
慙 廿載別卻江南君 行過處 風景依然 否水國荒涼 生計短
菰米莓苔 非舊潦 倒羈懷 飄零倦翮 各自爭春瘦 哀音漸遠 擁
衾惟聽清漏

前調

漫陰燈曙被東風散 作滿園浮媚 六曲迴廊人不到 一片苔痕

香膩鶯粉銷黃蝶。魂悽碧都爲春憔悴。西山眉嫵鏡中猶闕。翠
難得。兩度花朝韶華百二彈指。今餘幾豔影飄零殘夢斷
小雨也拋紅淚。鈿笛偷吹冰綃暗寫惆悵年時事。鵲爐煙瘦悄
寒簾外如水。

洞仙歌

憶蓉湖

故鄉雲水憶蓉湖。佳絕滑笏波光漾。春色何時歸計準。小坐蒼
磯衣塵浣。俯照明漪千尺。昨宵清夢好。柔橈咿啞驚起。輕鷗
度環碧。略約夕陽斜。穿過前灣林影外。烟嵐層疊。有三兩漁舟。
傍桃花看網出。銀鱗一罾紅雪。

賀新涼

初夏過陶然亭尋壁間竹素青士鈞雲舊題半已
磨滅矣悵然賦此

散步城西曲愛蕭疎江家亭子數椽幽築
蜨後蟬前紅意盡換了惜惜濃綠正雨過
煙蕪如沐一片涼光雲樹外看遊禽三兩
閒相逐耽嘯咏謝羈束登臨悵望流光速
背斜陽藤花吹滿小闌干角俊侶飄零天末
遠回首不禁悵觸重認取舊時游躅壞壁
摩挲題字脫只蘚痕斷處蝸涎續消魂句忍
重讀

浣溪紗

短短紅蘭映碧紗倚闌人瘦態天斜鎖香
庭院謝娘家 蛺蝶情多宜掌夢駕央恩重
合司花三生惆悵隔天涯

菩薩蠻

無情霜片催花落纓綿絮語紅衾薄嬌喘
細難支秋魂剩一絲

花叢千窈窕最憶鍼神巧彈指彩雲銷遊仙去夢遙

前調

迦陵仙鳥傳嬌語迴關悄立司花女劫後再來身相逢釐風因
接天秋水碧樓閣玲瓏極人倚小芙蓉紅香四面風

摸魚兒

重九後一日同梧門菊泉過極樂寺訪菊遲袁蘭村不至

叩招提四三吟伴襟懷蕭澹如許黃花半已移根去寂寞亂莎
荒圃霜葉舞任紅到銷魂不是吳江樹鄉心漫苦只目送寥天
閒雲過盡一碧洗殘雨西風裏野色蒼涼無主亭臺高下煙
霧山僧留客餐香積共趁瓢堂齋鼓聽俊語道此度清遊惜少
衰臨汝沿畦小步又回首疎林依依暝翠雁背斷霞暮

水龍吟

錢謝卷吏部統御精舍第寒第二集分賦得題
蕭殿詠劉夫人遺事

瑤池八駿歸來後車載得真佳麗明姿絕世香柔粉秀六宮誰
比生小傾城肯輸漢殿延年女弟是瓊葩無種移根天上莫認
野花偏媚野花偏有色
康陵句也聞道碧霞旂底儘雙題九重名字昔
年扈從珠璫共輦錦袍連騎諫獵書稀當熊人去淒涼舊事問
遺簪何處蘆溝橋畔一灣流水

瑤臺第一層

芙蓉山館前寒第三集分題吳彩鸞寫韻圖

寫出蕊珠仙子展銀光點素毫嬌鬢低亞八千韻字纖指能鈔
靈書出秘笈想簪花絕世丰標癡惹甚從旁裏手卻笑文僊
蕭條爾書生計便神仙也覺無營筆牀巖冷硯池波涸情障難

銷上清淪謫久倩青禽傳語藍橋盼三霄悵眠蠶字滅踰虎人
遙

天香

程春廬夢影詞稿卷第一集分賦佛手柑

篤耨香濃兜羅綿軟諸天金界招手指月玲瓏逆風芬馥爪甲
了無塵垢禪機參透問彈處華嚴現否供向烏皮几淨伴人小
窗清畫 蓮臺鎮長合十願皈依赤華青豆鼻觀聞薰未必妙
因無漏應是拈花笑後帶一種氤氲自點驚小屈雙尖似持神
咒

玉漏遲

正月十三夜

中庭閒徙倚試燈時節試香天氣雪意垂垂釀得春寒似水壓

鼓嚴城暗數看密炬頻銷殘穗風又起迷離月疊小窗深閉
幾處佳宴傳柑喚銀甲彈箏繡巾香膩縱覺歡場無奈心情不
是顛倒江南歸夢只遶徧玉梅花底空引睇迢迢夜雲千里

沁園春

朱意園水部齋中小集分賦得落花香

搖蕩東風滿地零紅餘香尙留伴茶煙微颺吹過碧盃冰沈初
燼裏上銀鐮喘細疑無噓輕易斷蘭氣氤氳不收閒庭院覺
舊情一點猶遶枝頭穠華彈指成秋剩翠霧清陰溼欲流況
春歸玉塞廚迷青冢魂銷金谷珠墮紅樓蝶倦還尋蜂燕苦戀
十里輕塵萬斛愁仙蹤遠縱返生堪覺何處麟洲

甘州

爲小園題西溪草堂圖

怨豈風吹折到青蓮燈火禮金仙算埋愁無地淒涼身世佛也
應憐空說曼陀法界歸去再生天只幾番情劫斷送華年 稽
首香臺發願便飄然瓶拂到處隨緣向團蒲穩坐清唄磬聲圓
莫重題三生舊恨怕參來都是斷腸禪誰相訪西溪雲水添箇
漁船

高陽臺

江亭感舊

山色零青土花剩碧蒼涼亭榭重過泥雪行蹤能禁幾度銷磨
梨魂絮影迷離極認前塵比夢還訛遠回廊斷盡柔腸燕子知
麼 青衫我自傷憔悴怪紅羞粉澀一樣蹉跎風颺殘花無端
吹滿簾波西陵翠燭知何處渺天涯斜照關河恨無情春水林

塘弄影羅羅

聲聲慢

題陶見香客新填詞圖

蕤香淺渚鷺影明波一枝柔艣輕搖待艤鳥蓬漫空晚雨飄蕭
遙山數峯愁黛對離人商略無慘繡舊譜正空江獨夢落月歸
潮愧我長年漂泊恨驢鄉釣里小隱誰招渺渺黃洲輸君吟
到魂銷何時其呼烟艇趁水天涼夜吹簫聲未了伴小紅低唱
過橋

甘州

題張子白邊城插柳圖

拍金笳別譜柳枝歌攬入角聲多渺荒寒一片夕陽影裏搖兀
明駝記否藏鳥亭榭春水碧於絳更層陰駐馬舊夢蹉跎惆

悵風姿如許，恁孤根無分，移傍靈和。認塞煙沙雨，此地我曾過。
向離亭送君西去，折長條、宛轉奈愁何。人空老，漢南回首，此樹
婆娑。

滿庭芳

閏六月十九夜暑甚夢後作

青乳初零，素華微暈，天風別樣高寒。弄梭人倦，垂手玉闌干。指
點瓊田萬頃，三山遠、紫府程寬。知何處，飛來飢鳳，偷啄碧琅玕。
銀彎橋未就，盈盈一水，香霧迷漫。聽瑤笙幽咽，清響隔雲端。
坐到榆花影瘦，秋如水、孤對晶盤。銖衣薄，綃衫換著，千二百輕
鸞。

臨江仙

擬賀方回人日詞

幾陣東風融豔雪紅霞一抹初妍者回春色倍嫣然柔卿纔卻
扇定子正當筵曉日低低飛瑞鵲牆頭樹已含烟合歡羅勝
影翩翩鑪薰還解事扶暖上釵釧

臺城路

題葉小鶯疏香閣眉子硯拓本

瓏玲片石銷沈久空留數行題字鏤雪詞新簪花格瘦綠影淺
分螺子疎香閣裏想幾度摩挲定勞纖指無限清愁遠山低鎖
一痕翠瑤臺環珮去遠只雲絲帖帖暗記蠟紙蕉葉微涼櫻
桃細雨滴盡玉蟾清淚蓮臺證偈早綺障全空罷修眉更楓冷
凋紅水天談舊事

念奴嬌

溪風迎面望長淮
墳起狂瀉如屋塌
酒澆腸杯快倒酣
嘯好平肌粟劍事
猿公經緇鹿女奇
氣偏驚俗旅懷頽
宕雄才誰念蕭育
獨夜越鳥號寒蒼
茫渴旦電走華年
速蚤歲長楊誇賦
手健筆濃揮散卓
佳俠名虛談交金
盡無地堪投足商
音催響高吟還對
孤燭

摸魚子

望鄉園柴桑菊風船小住淮浦寒潭雪影明漪浸淨浣征衣
塵土還起舞憶幾載平泉滿座誇豪舉京華俊侶定酒煖茶甘
清歡淺醉刻燭引詩虎長干好好在石城東渚蒼波澹宕佳
處五陵遊俠揮金盡短髮霜絲垂素驚倦旅聽獨夜西烏杳杳

南飛去吟身感遇證後約前緣林扉深隱真不羨懷祖

木蘭花慢

愛清淮水閣珠袖卷玉簾絲喚戰月青丹酒痕零碧吹上生衣
幾度騰騰淺醉聽紅鶻啼過落花時梨夢悠揚蝶見桃魂黯澹
驚知天涯佳約斷星期艇子卻歸遲好踏歌小海湘靈悵怨
瘦損吳兒蕭蕭夜潮寒色怕驚鳥難戀定風枝畱客新彈短燭
香苔閒寫情癡

前調

指雷塘舊路煙影外雨絲飄記昔日佳遊囊琴載酒岸曲停橈
迷離碧燕城郭間錦帆何處蕩春潮寒食玉鉤斜畔落花飛過

紅橋 魂銷蘭信渡江遙
商女學吹簫怕後夜香衾二分月色
孤照無憀相思雪晴東閣折苔枝閒惹翠禽嘲便擬清歡更續
莫教華鬢先凋

慶宮春

漁浦雲荒野門鰲暝天半落帆風色頽岸沙瀾空潭冰鏡吳縣
真恐吹折旅宿淹留羨水鶴踏波無迹冷淡冬心淨名經卷好
依枯佛 夜靜星斗高寒船尾商聲玉龍吹雪遙山瘦盡烟魂
欲化飄出一絲絲碧元暉老去但博得吟懷清發更長夢醒霜
氣如潮海嶠孤白

踏莎行

莫愁湖秋泛

浴鷺明漪藏鷺近渚小舟涼載蘋蒲雨晚山相對話清愁當年
曾是盧家住 衰草迷煙幽蘭泣露鬱金堂上人何處西風吹
冷半湖秋雙栖海燕辭巢去

憶舊遊

會山月話園

又鷗邊過酒蜚外尋詩人在池亭樹老倉山路約舊時月色來
話飄零百年幾回圓缺愁鬢易星星怪一片冰痕照人前夢別
樣分明 關情舊遊處記霧閣圍花雪屋停鐙冷落琳華曲悵
醉翁仙去飛珮瑤京迴廊尙留題句小字署蘭成待過盡涼雲
夜峯數朵煙外青

虞美人

題曉寒仙夢圖

仙姝十八明妝靚鸞背娉婷影瓊樓高處佩聲寒一抹朝霞紅
近曲闌干真珠密字香牋小帖帖雲絲裊通詞無計託微波
歸去白榆風裏落星多

念奴嬌

林光靜鎖映樓前渺渺川鋪澄練水宿悵迷疑中酒小極吟情
微倦嫩約鱗遙虛盟鳳杳風外鄉心遠黛纖眉薄晴峯千朵低
見應欺簾動棲鸞紗空引蝶客裏年華晚卧對殘釭凝淺紫
層疊珠裙雙捲載雪清遊敲詩癡坐船火明沙岸海蟾飛下冰
痕照破霜苑

蝶戀花

芙蓉山館詞鈔

卷二

五

六曲屏山愁萬疊深掩孤頻宛轉牽雲葉十二瓊樓人小立翠
帷高捲明蟾入 花落黃昏宮漏急夢冷春魂紅淚羅巾溼瘦
斷玉腰裙百摺寶匳香散泥金蝶

湘月

爲倪米樓題蘆中秋瑟譜

雲荒古汊寫愁漪黯澹一匳秋鏡權入蘆花明似雪人坐蕭蕭
寒影殘葉敲鐙涼枝過笛霜意添疎蟾寶洲按譜玉絲風外淒
緊 當日畫閣徵歌旗亭貰酒冶習消除盡小艇招鷗烟水曲
古調而今誰聽蒲綠裁帆荷青製笠結屋成漁隱新知最好淨
家有約同訂

高陽臺

又題夢隱詞

散帙消愁支琴送日一番惆悵誰憐殢酒懷人思量往事如煙
吟魂合伴梨雲住醒春愁莫近啼鵲向翩翩蝴蝶前身悟到詩
禪繁華彈指春明夢把三分塵土輕換流年綠遍西泠樓前
春水浮天鏡塘香冷蘋花瘦掩烏篷雨外閒眠任飄零一枕膏
臙都付遊仙

憶舊遊

又題酒邊花外詞

記迴闌闌酒小閑香花同款青尊倚遍紅紅曲認春衣零落猶
帶香痕回首六橋煙柳濃綠已巢鶯消受年華幾番吟醉惆悵
前塵家鄰湖畔路憶筵上橫簫歌罷囊笙水榭瀟瀟雨只畫
簾香暗怕近黃昏重省三生舊事幽句慣題裙儘刻意傷春小

桃樹底深閉門

水調歌頭

爲焉墨香題自在丹吹笛圖

烟水渺無際自在泛輕舟一聲嫋嫋橫竹隔浦和漁謳薄宦三
茅山下舊宅三高祠畔風月足佳遊閒夢驛橋雨按拍譜寶洲
長干曲桓家步儘勾留據牀爲作三弄四座散消愁隨意含
商咀徵乘興提鵬挈鷺蹤迹信沈浮吹徹玉龍曲浩蕩海天秋
臺城路

柳絲不綰離人住篷窗一枕殘醉衣上香痕酒邊愁緒小夢暗
隨潮尾紅牙拍碎忘不得樽前銷魂曲子解說相思曉寒曾汲
井華水輕橈堤畔初艤望高樓天末箇人憔悴林月微黃溪

風濤碧夜色半江迢遞倚舷凝睇又津鼓頻催峭帆千里渺渺
啼鴉水天漁唱起

芙蓉山館詞鈔卷二畢

原
本男爵生校字

芙蓉山館詞鈔

金匱楊芳燦輯著

拗蓮詞

集飛卿句

子夜歌

清歌響斷銀屏隔寒絲七柱香泉咽素手直淒清蕭蕭故國情
舊詞繙白紵定得郎相許聽破復含顰黛蛾攢豔春

前調

紅珠斗帳櫻桃熟香昏龍氣凝暉閣梔子畝同心空期嗣好音
郎隨早帆去好月當三五梅落不歸家滿庭山杏花

前調

春風幾許傷情事江頭欲種相思子歌轉斷難尋誰知歷亂心
門前烏柏樹妾住金陵步雲水是天涯開帆到曙霞

前調

重城漏斷孤帆去雞鳴埭上梨花露催過石頭城歸心在翠屏
煙波五湖遠遠水斜如翫回首更躊躇晴天度雁疎

前調

鴛鴦豔錦初成匹滿樓明月梨花白人寧出門多青春奈怨何
蠟珠攢作帶夜半東風起因夢寄江淹翹繻翠鳳簪

前調

錢塘岸上春如織樓前澹月連江白波淺石粼粼微風蕩白蘋

買蓮莫破券蓮少舟行遠鳬雁滿迴塘天高一笛涼

前調

青樓二月春將半吳姬怨思吹雙管昨夜夢長安連娟繞山
別情無處說有伴年年月岑寂掩雙扉回文空上機

前調

玉墀暗接昆崙井誰言芳草連三徑何意爲王孫登臨幾斷魂
寂寥閒望久贈遠聊攀柳江浦樹蒼然山昏鳥滿天

前調

香鐙悵望飛瑤鬢兩重雲母空烘影斜月到罽毼何因入夢思
城頭五更鼓慘澹天將曙宿鳥起寒林霜清玉女碁

前調

蘭芽出土吳江曲門前春水年年綠
鵲驚自浮沈方疏隱碧潯
南樓登且望白雪調歌響花壓李娘愁
簾褰玳瑁鉤

前調

今朝領得東風意上林鶯轉游絲起
煙暝舞難收珠簾玳瑁鉤
池塘芳意溼春草年年碧楚國在天涯
馬嘶金面斜

前調

緘情遠寄愁無色年年錦字傷離別
回首問橫塘天邊歸路長
寶釵斜翳翠薄暮香塵起柳岸杏花飛
因風到舞衣

前調

夜間猛雨判花盡柳邊猶憶紅驄影蝴蝶夢悲莊青樓空艷陽
送君遊楚國院裏鶯歌歇非復嬾鳴琴文園有好音

前調

丁東細漏侵瓊瑟羅屏半掩桃花月閒夢正悠悠鸞娥不識愁
薄雲欺雀扇換裏回歌面輕步宛霓裳恍聞蘭澤香

前調

紅絲穿露珠簾冷塔前碎月鋪花影朔雁度雲遲窗閒斷暗期
理釵低舞鬢初畧青鸞鏡相顧復沾巾花題照錦春

前調

金鮮不動春塘滿小姑娘歸晚紅妝淺多唱柳郎詞萍多下釣遲

細音搖翠佩漸憑相風外湘廟夜雲空相期一笑同

前調

誰能不遂當年樂釵蟬金鳳俱零落迢遞豔陽時闌珊玉局基
只應春惜別芳意憂鵲猶欲過高唐蟲絲圍畫梁

前調

韶光染色如蛾翠平春遠綠窗中起花鬢玉瓏璚美人清鏡中
粉香隨笑度寶袂徘徊處宿雨泣晴暉梅梁乳燕飛

前調

愁腸斷處春何限窗閒謝女青娥歛清漏紫微天隋隄楊柳煙
含愁復含笑嬾逐妝成曉宮紫暈流蘇幽屏臥鵲鴝

前調

自憐金骨無人識
含商咀徵雙幽咽
鬢態伴愁來
閒庭見早梅
吳妝低怨思
翦勝裁春字
睂語柳毵毵
輕寒不隔簾

前調

與君便是鴛鴦侶
雲飛雨散知何處
牀冷簾連心
華燈對錦衾
舞衫萱草綠
曉暎相屬
方寸是星河
年年鏡水波

前調

景陽妝罷瓊牕曉
早梅猶得回歌扇
先解報春風
一枝惆悵紅
金筍悲故曲
渭水波搖綠
鸞嚙柳如絲
熏鑪悵望時

前調

鶯聲巧作煙花主低徊似恨橫塘雨
創意似春闌綠楊千萬絲
重鱗疊輕扇豔笑雙飛斷愁甚擬春眠相思高楚天

前調

蠟烟如霧新蟾滿濃陰似帳紅薇晚
爭語玉纖纖盧姬遲十三
曲瓊垂翡翠蕩漾春風裏此別已淒然無媒竊自憐

前調

老教猶作當時意兩重秦苑成千里
晚柳未如絲美人何可期
香鑪伴殘夢林外晨光運餘潤拂芝蘭漱瓶知早寒

前調

謝郎東墅連春碧檐前依舊青山色
紅嘴啄花歸輕陰隔翠幃

夢長穿楚雨，依約腰如杵。生綠蠶羅屏，覺來春鳥聲。

前調

紅垂果蒂，櫻桃重颺。颺掃尾雙金鳳。青鎖見王沈江雲潤。古琴感深情，懽恍屏掩芙蓉帳。一笑事難忘。雞鳴錦幄傍。

前調

粉痕零落，愁紅淺。壞牆經雨蒼苔徧。尊酒慙離顏。歲華非故園。春風何處好。門外芙蓉老。蜂重抱。香歸輕陰徑草微。

前調

芙蓉力弱，應難定。晶簾片白搖翻影。晴日照湘風。花宜插髻紅。流蘇持作帳。繡戶香焚象。疑粉試何郎。寶梳金釧筐。

前調

華堂客散簾垂地黃鶯不語東風起
茶陳靜悄悄高窗留夕陰
紫苔侵壁潤月瑣千門靜幽草綠無塵
枳花春滿庭

前調

入窗新樹疎簾隔殘芳在
再雙飛蝶紅粉自傷神
分香翠黛頻
東風故城曲楊柳鶯橋綠
此地昔傷離歲華空與期

前調

李娘十六青絲髮回嚬笑語
西窗客扇薄露紅鉛歌愁歛翠鈿
畫樓初夢斷屏上吳山遠
風暝覺衣輕香多夜雨晴

移爭詞

集玉漢句

菩薩蠻

羅屏但有空青色
蟾蜍夜豔秋河月
堂靜桂森森
疏螢怯露深
蠟花長遞淚
鏡拂鉛華膩
私懺詠牽牛
儂今定莫愁

前調

舞鸞鏡匣收殘黛
香肌冷襯瑤瑤珮
蕙卷已涼天
前墀思黯然
暗樓連夜闌
銀箭催搖落
眉細恨分明
頻抽翡翠簪

前調

嬌薰蘭破輕輕語
覺來正是平階雨
倚立自移時
青燈兩鬢絲
撥絃驚火鳳
何處無佳夢
第一楚宮腰
曾來碧綺寮

前調

芙蓉山館詞鈔

附鈔

六

柔腸早被秋眸割此情可待成追憶歌唱落梅前青樓自管絃
豈能拋斷夢舊作秦臺鳳別夜對銀釭含情雙玉璫

前調

西樓一夜風爭急金蟾齧鎖燒香入人更迴於樓凌波有舊遊
不知滄海路並馬同吟去只是見鷺鶯孤蓮泊晚香

前調

浣花殘紙桃花色廣陵別後春濤隔不奈寸腸何心酸子夜歌
絲鷺空自舞浦冷鷺鶯去池闊雨瀟瀟荷畝正抱橋

前調

劉郎已恨蘼山遠
宓妃愁坐芝田館
飄落各西東
仙衣盡帶風

心知兩愁絕解佩無遺迹好好寄雲波湘簾染淚多

前調

扇裁月魄羞難掩星沈海底當窗見舊好隔良緣難忘復可憐
水亭吟斷續假寐憑書簾自是有鄉愁來風忙石郵

前調

斑駁只繫垂楊岸後堂芳樹陰陰見小苑試春衣簾疏燕誤飛
小闌花盡蝶鏡檻芙蓉入繡領刺鴛鴦鮫綃熨下裳

前調

夢爲遠別啼難喚梁間燕子聞長歎吟罷更無悵愁眉淡遠峰
離情堪底寄道御橫波字枕冷被仍香先春已斷腸

前調

深知身在情長在重吟細把真無奈容易即迴腸蕭蕭髮彩涼
春風三二月忍放花如雪聽我苦吟詩前溪問所思

前調

桂宮畱影光難取梧桐莫更翻清露鳥沒夕陽天西樓不住煙
如何爲相憶多擘秋蓮蒨歸夢不宜秋殘鐙獨客愁

前調

院門晝鎖迴廊靜蝶銜紅蕊蜂銜粉日薄不嬌花西樓倚暮霞
含情春晚晚回首雙飛燕何事亦離羣端憂復至今

前調

襟灰爲土填清露背燈獨共餘香語唱殺畔牢愁鴛鴦兩白頭
露歸天上匹但見蒙羅碧臨酒欲拌嬌凌晨恐易銷

前調

南塘漸暖蒲堪結江魚朔雁長相憶髮錦不成誓今朝百草輪
爲含無限意怨目明秋水含淚坐驚機小園花亂飛

前調

謝遊橋上澄江館闌門日下吳歌遠渡轍水沾羅風長奈柳何
故山歸夢喜我意殊春意啼笑兩難分殘花伴醉人

前調

一春夢雨長飄瓦堂中遠甚蒼梧野旅宿倍思家天涯日又斜

鶯啼如有淚，恨望西溪水。松竹一相思，三年間，飆運。

前調

西園碧樹，今誰主。清聲不遠行人去。一樹碧，無情寒溪曉更清。
畫樓終日閉，秋蝶無端麗。又見鷓鴣飛煙中，結響微。

前調

蘭回舊蕊，綠屏綠何當。共翦西窗燭，迴照下幃簾。簾烘不隱鉤。
枕寒莊夢去，舊鏡鶯何處。其奈落花朝，珠啼冷易銷。

前調

今朝相送，東流後金鞍忽散。銀壺漏從此，抱離憂。長眉惟是愁。
柔情終不遠，客去波平檻。柳色欲侵江，傷離適斷腸。

前調

點花永巷垂楊岸未客言語還分散空解賦天台如何更獨來
花將人共笑囊裏芙蓉小箏柱鎮移心中心自不平

前調

春牕一覺風流夢越羅冷薄金泥重舞蝶太侵晨飛來繡戶陰
薔薇泣幽素隔樹澌澌雨明鏡惜紅顏春衫瘦著寬

前調

夾羅委篋單綃起明珠可貫須爲佩婀娜山池東輕憂豔雪融
相看不相識舊思牽雲葉月幌夢飛沈圖空映蝶尋

前調

身無彩鳳雙飛翼人生豈得輕離別含淚坐春宵相思正鬱陶
鎖香金屈戌半展龍鬚席中冷想夫爭細蘭怨紫莖

前調

輕衫薄裊當君意更無人處簾垂地只是近黃昏星河壓故園
香桃如瘦骨預想前秋別相望不應迷經寒且少啼

前調

可憐庾信尋荒逕此花此葉常相映竟日小桃園依依傍竹軒
檻危春水暖柳訝雙眉淺細點未開萍溪邊坐石平

前調

更深欲訴娥眉歛石家蠟燭何曾翦微露淺深情羅疏畏月侵

秦絲嬌未已月沒教星替簾卷碧牙牀溫幃翡翠香

前調

蓬山此去無多路王昌且在牆東住十二學彈箏青樓有美人
鎖門金了烏翠帶花錢小孤蝶小徘徊青樓人未歸

前調

荻花村裏魚標在舊山萬仞青霞外柳自不勝烟愁情相與懸
西風吹白芷緩逐煙波起山晚更參差蟬休露滿枝

前調

幽蘭泣露新香死空留暗記如蠶紙小閣鎖飛蛾新歡借夢過
紅樓三十級鳳女彈瑤瑟翠幕自黃昏牆高月有痕

前調

湘江竹上痕無限，悠揚歸夢惟燈見。同向一窗燈，河秋壓雁聲。
併添高閣迥，不見姮娥影。臨水卷空帷，輕斟瑪瑙杯。

前調

鴛鴦可羨頭俱白，玉郎會此通仙籍。千二百輕鸞，華星送寶鞍。
寶匳拋擲久，江闊頻回首。年鬢日堪悲，新編雜擬詩。